

T7903/7621(45)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

SEP 30 1959

外科精義目錄

卷上

論瘡腫診候入式法

論榮衛色脉參應之法

論持手訣消息法

論三部所主臟腑病證

論脉證名狀二十六種所主病證

論三部脉所主證候

論三部脉所主雜病法訣

論診候肺疽肺痿法

哈佛大學哈佛燕京
圖書館珍藏印

論將護忌慎法

論瘡疽腫虛實法

辨瘡腫淺深法

辨膿法

辨瘡疽癰腫證候法

辨瘡疽善惡法

點瘡法

針烙瘡腫法

內消法

托裏法

砭鑱法

湯漬瘡腫法

灸療瘡腫法

追蝕瘡疽腫法

止痛法

用藥增損法

療瘡腫權變通類法

論五發疽

論附骨疽

論時毒

論丁瘡腫

辨丁腫十三種形色禁忌

論癩癧治法

論癰疽

論陰瘡

論諸瘡

論痔瘻

卷下

漏蘆湯

化毒丹

內消丸

內消升麻湯

牡蠣大黃湯

地黃煎丸

皂角煎丸

苦參丸

連翹散

枳殼丸

托裏黃芪湯

托裏當歸湯

五利大黃湯

五香連翹湯

和血通氣丸

槐角煎丸

苦參散

肺風丸

竹葉黃芪湯

五香湯

托裏茯苓湯

托裏散

托裏玄參散

內補散

香粉散

黃芪茯苓湯

伏梁丸

木香濕腫湯

濕腫升麻湯

甘草大豆湯

洗毒湯

何首烏散

內托散

內塞散

止痛當歸湯

內補防風散

溫經丸

升麻濕腫湯

豬蹄湯

濕腫湯

浴毒湯

八僊散

消毒湯

應痛丸

梔子仁湯

通氣散

金銀花散

十香膏

乳香膏

消毒膏

天麻膏

靈應膏

熨風散

黃芪丸

葛根牛蒡子湯

白丁香散

皂蛤散

犀角膏

白龍膏

磨風膏

善應膏

翠玉膏

追毒散

射膿丸

治療癰

搜膿散

乳香散

截疳散

青金錠子

桃紅散

金黃散

水澄膏

迴瘡錠子

替鍼丸

翠霞散

引膿散

釣苓散

抵聖散

白龍散

檳榔散

生肌散

拔毒散

金露散

消毒散

大檳榔散

天麻散

決効散

水銀膏

平肌散

神黃散

博金散

金傷散

完肌散

定血散

碧霞錠子

漏蘆湯

玉粉散

香礬散

紫金散

通耳丹

葛蒲錠子

寸金錠子

薰痔散

通靈丸

三神丸

玉芝飲子

平和飲子

玄參丸

犀角散

防風散

烏金散

劉守真瘡論

沒藥膏

必効散

烏金散

抵聖散

應効散

白金散

如聖散

天蛾散

必効散

蛤粉散

治小兒丹瘤

治小兒疳口瘡

治破傷風 并洗頭風藥

烏龍丸

紫參丸

萬靈丸

治眼

治吹妳

治痔瘡

洗痔

寸金丹

牙疳藥

迴瘡蟾酥錠子

乳香托裏散

四聖旋丁散

天丁散

萬應膏

治小兒面瀼瘡

治赤白口瘡

治乾濕疥癬

治湯火燒燙瘡

治破傷風

治破傷

治風狗咬破傷風

論炮製諸藥及單方主療瘡腫法

論瘡腫診候入式法

大醫者人之司命也... 瘡者人之大害也... 瘡者人之大害也... 瘡者人之大害也...

明瘡則如真行... 瘡者人之大害也... 瘡者人之大害也... 瘡者人之大害也...

元風科必先診... 瘡者人之大害也... 瘡者人之大害也... 瘡者人之大害也...

診其脉候專攻... 瘡者人之大害也... 瘡者人之大害也... 瘡者人之大害也...

外科精義目錄... 瘡者人之大害也... 瘡者人之大害也... 瘡者人之大害也...

外科精義目錄... 瘡者人之大害也... 瘡者人之大害也... 瘡者人之大害也...

外科精義卷上

醫學博士選充御藥院外科大醫齊德之纂集

明

新安

後學

吳勉學校正

論瘡腫診候入式法

夫醫者人之司命也脉者醫之大業也蓋醫家苟不明脉則如冥行索途動致顛覆矣夫大方脉婦人小兒風科必先診脉後對證處藥獨瘡科之流多有不診其脉候專攻治外或有證候疑難別召方脉診察於瘡科之輩甘當淺陋之名噫其小哉如是原夫瘡腫之生皆由陰陽不和氣血凝滯若不診候何以知

陰陽勇怯血氣聚散耶由是觀之則須信療瘡腫於
診候之道不可闕也歷觀古今治療瘡腫方書甚多
其間診候之法畧而未詳比夫諸科甚有滅裂愚雖
不才輒取黃帝素問難經靈樞甲乙及叔和仲景扁
鵲華陀千金外臺聖惠總錄古今名醫諸家方論之
中診候瘡腫之說簡編類次貫成篇帙首載診候入
式之法次論血氣色脉參應之源後明脉之名狀所
主證候及瘡腫逆從之方庶使爲瘡腫科者覽此則
判然可曉了無凝滯於曾次一朝臨疾診候至此則
察逆從決成敗若黑白之易分耳

論榮衛色脉參應之法

夫天地之道曰陰與陽陰陽在人曰血與氣蓋血者
榮也氣者衛也榮者榮於中衛者衛於外所以榮行
脉中衛行脉外脉者血氣之先也血非脉則焉能榮
於中氣非脉則焉能衛於外二者相資而行內則通
於五臟六腑十二經絡外則濡於九竅四肢百節萬
毛晝夜循行如環無端以成其度會於寸口變見於
脉故曰氣血者人之神也脉者氣血之神也所以治
病之始五決爲紀蓋五決者五臟之色脉也脉應於
內色應於外其色之與脉當相參應故曰能合色脉

外科精義 卷上
可以萬全也凡爲醫先須調明色脉况爲瘡科若於此不精雖聰惠辯博亦不足委也

論持手訣消息法

夫診候之脉法常以平旦爲紀陰氣未散陽氣未動飲食未進血氣未亂經脉未隆絡脉調勻故乃可診有疾之脉若遇倉卒病患不拘此論內經所謂持脉有道以虛靜爲保但可澄神靜慮調息凝心視精明察五色聽音聲問所苦方始按寸尺別浮沉以此參照決死生之分矣復觀患人身形長短肥瘦老少男女性情緩急例各不同故曰形氣相得者生三五不

調者病謂如室女尼冠脉當濡而弱嬰兒孺子之脉細而疾三四歲者呼吸之間脉當七八至爲平比夫常人特不同耳大抵男子先診左手女子先診右手男子左脉大則順女子右脉大則順大凡診脉先以中指揣按掌後高骨骨下爲關得其關位然後齊下兩左右二指若臂長人疎排其指若臂短人密排其指三指停穩先診上指曰寸口浮按消息之中按消息之重按消息之上竟消息之下竟消息之推而外之消息之推而內之消息之然後先關後尺消息之一類此若診得三部之中浮沉滑澀遲疾不調何病

所主外觀形色內察脈候參詳處治以忠告之不可
輕言談笑亂說是非左右瞻望舉止忽畧此庸醫也

論三部所主臟腑病論

夫診候之道醫者之難精也若非燈下苦辛勤於記
誦參師訪友晝夜不遑造次顛沛寤寐俯仰存心於
此安能知神聖之妙哉古人曰按其脈知其疾命曰
神以悟其探賸索隱之妙也又曰切其脈治其病謂
之巧以明其指別之功也蓋三指相去毫釐之近主
病若千里之遠觀夫指別之功世人固以為難命曰
神豈容易可至哉常考於經亦有三部寸關尺也從

魚際至高骨却行一寸曰寸從寸上一分曰魚際從
寸至尺曰尺澤寸後尺前為關關前為陽即寸口也
關後為陰即尺脈也陽出陰入以關為界寸主上焦
頭手皮毛關主中焦腹及腰尺主下焦小腹及足此
三部所主大畧也又有左右兩手三部為之六脈也
又有人迎氣口神門所主又各不同蓋左手關前曰
人迎右手關前曰氣口兩關之後一分即曰神門故
脈法讚曰肝心出左肺脾出右腎為命門俱出尺部
鬼臈穀神皆見寸口所謂左手關前心之部也其經
于少陰與手太陽為表裏小腸合為腑左手關上肝

之部也其經足厥陰與足少陽爲表裏膽合爲府左手關後腎之部也其經足少陰與足太陽爲表裏膀胱合爲府右手關前肺之部也其經手太陰與手陽明爲表裏大腸合爲府右手關上脾之部也其經足太陰與足陽明爲表裏胃合爲府右手關後命門之部也其經手厥陰與手少陽爲表裏三焦合爲府此謂六部所主臟腑十二經之義也又脉要精微論曰尺內兩旁則手少陽也尺外以候腎尺裏以候腹中附上左外以候肝內以候膈右外以候胃內以候脾上附左右外以候肺內以候胃中左外以候心內以候

胃中前以候前後以候後上竟上者胃喉中事也下竟下者小腹腰股膝脛足中事也麤大者陰不足陽有餘爲熱中也來疾去徐上實下虛爲厥顛疾來徐去疾上虛下實爲惡風也故中風者陽氣受也有脉俱沉細數者少陰厥也沉細數散者寒熱也浮而散者爲恂忤諸浮而數者皆在陽爲熱其有躁者在手諸細而沉者皆在陰則爲骨痛其有靜者在足數動一代者病在陽之脉也洩及便膿血諸過者切之瀦者陽氣有餘也滑者陰氣有餘也陽氣有餘爲身熱無汗陰氣有餘爲多汗身寒陰陽有餘則無汗身

寒推而外之內而不外者有心腹積也推而內之外而不內者身有熱也推而上之上而不下者腰足清也推而下之下而不上者頭項痛也按之至骨脉氣少者腰脊痛而身有痺也已上諸疾若非指明心了烏可得而妙也又平人氣象論曰一呼脉再動一吸脉亦再動呼吸定息脉行五動爲以大息不大不小不長不短不滑不澀不浮不沉不遲不數命曰平人平人者不病也蓋平人之常氣稟乎胃胃氣者平人之常氣也所以人常稟氣於胃故脉以胃氣爲本也正理論曰穀入於胃脉道乃行合靈樞經云胃爲水

穀之海也又曰脉應四時曰平信夫四時之脉皆以胃氣爲本謂春弦夏洪秋毛冬石春之胃脉微弦曰平餘皆倣此逆四時則病矣若診婦人之脉妊身則慎勿亂投湯散其婦人之脉診得少陰脉動甚則有子也又曰陰搏陽則有子也又曰身汗而無脉者卽有妊也蓋重身者問其月事觀其體貌然後主治不可忽也又經曰察色按脉先別陰陽蓋陰陽者天地之道也是以治病者必求其本本於陰陽寒暑四時五臟之根也以脉言之則浮沉也以部言之則尺寸也故經云脉者陰陽之法以應五臟是謂呼出心與

肺吸入腎與肝呼吸之間脾受穀味其脈在中也以
浮沉論之則曰浮者陽也沉者陰也應在臟腑則浮
而大散者心也浮而短濇者肺也所以心肺俱浮也
牢而長者肝也按之而大舉指來實者腎也所以肝
腎俱沉也遲緩而長者脾也脾爲中州所以脈在中
也仲景曰大浮數動滑皆陽也沉濇弱弦微皆陰也
陽者熱也陰者寒也所以寒則脈來沉而遲熱則脈
來浮而數故曰諸數爲熱諸遲爲寒無如此驗也脈
經曰諸浮爲風諸緊爲痛諸伏爲聚諸弦爲飲芤者
失血長則氣治短則氣病濇則煩心大則病進浮爲

在寸沉爲在裏遲爲在臟數爲在腑又形壯脈細少
氣不足以息者危形瘦脈大胃中氣多者斃形氣相
得者生三五不調者病三部九候皆相失者死此先
聖診脈之大法也故曰凡治病則察其形氣色澤治
之無候其時也所以形氣相得者生色澤以浮者病
易已脈從四時者可治脈弱似滑者是有胃氣此皆
易治也若形氣相失或色夭不澤及脈逆四時或脈
實益堅皆不可治經所謂必察四難而明告之又若
病熱脈靜泄而脈大脫血脈實汗後脈躁此皆難治
也若瘡疽之人膿血大泄脈滑數者難治也凡瘦膿

外科精義 卷上
多或如清泔脉滑大散寒熱發渴者治之無功也若
患肺瘡者咳嗽膿血脉見洪滑治之難痊矣大凡診
脉見浮數應當發熱而反惡寒雖頭項拘急四肢煩
痛或復戰慄渴甚者但有痛處欲發瘡腫也

論脉證名狀二十六種所主病證

夫脉之大體二十六種此診脉之紀綱也細而論之
毫釐少差舉治必遠總而言之逆從虛實陰陽而已
兩者議之以要其中謹於諸家脉法中撮其機要翦
去繁蕪載其精義

浮脉之診浮於指下按之不足舉之有餘再再尋之

狀如太過瞥瞥然見於皮毛間其 表證或為風
或為虛浮而大散者心也浮而短澹者肺也浮而
數者熱也浮數之脉應發熱其不發熱而反惡寒
者瘡疽之謂也

洪脉之診似浮而大按舉之則泛泛然滿三部其狀
如水之洪流波之湧起其主血實積熱瘡腫論曰
脉洪大者瘡疽之病進也如瘡疽結膿未成者宜
下之膿潰之後脉見洪大則難治若自利者不可
救治也

滑脉之診實大相兼往來流利如珠按之則累累然

滑也其主或爲熱或爲虛此陽脉也瘡疽之病膿未潰者宜內消也膿潰之後宜托裏也所謂始爲熱而爲虛也

數脉之診按之則呼吸之間動及六至其狀似滑而數也若浮而數則表熱也沉而數則裏熱也又曰諸數爲熱仲景曰脉數不時見則生惡瘡也又曰肺脉洪數則生瘡也診諸瘡洪數者裏欲有膿結也

散脉之診似浮而散按之則散而欲去舉之則大而無力其主氣實而血虛有表無裏瘡腫膿潰之後

而煩痛尚未痊退者診其脉洪滑麤散難治也以其正氣虛而邪氣實也又曰肢體沉重肺脉大則斃謂浮散者也

芤脉之診似浮而軟按之中央空兩邊實其主血虛或爲失血瘡腫之病診得芤脉膿潰後易治以其脉病相應也

長脉之診按之則洪大而長出於本位其主陽氣有餘也傷寒得之欲汗出自解也長而緩者胃脉也百病皆愈謂之長則氣治也

牢脉之診按之則實大而弦且沉且浮而有牢堅之

意若癰癧結腫診得牢脈者不可內消也

實脈之診按舉有力而類結曰實經曰邪氣勝則實
久病則虛人得此最忌瘡疽之人得此宜急下之
以其邪氣與臟腑俱實故也

弦脈之診按之則緊而弦其似緊者為弦如按弦而
不移緊如內繩而轉動以此為異春脈浮弦而平
不時見則為飲為痛主寒主虛瘡疽論曰弦洪相
搏外緊內熱欲發瘡疽也

緊脈之診似弦而緊按之如切繩而轉動其主切痛
積癰也瘡腫得之氣血沉瀆也亦主痛也

瀆脈之診按之則散而復來舉之則細而不足脈瀆
則氣瀆也亦主血虛瘡腫潰後得之無妨也

短脈之診按舉則不及本位內經曰短則氣病以其
無胃氣也諸病脈短皆難治也瘡腫脈短真氣短
也

細脈之診按之則縈縈如蜘蛛之絲而欲絕舉之如
無而似有細而微其主亡陽衰也瘡腫之病脈來
細而沉時直者裏虛而欲變證也

微脈之診按之則軟小而極微其主虛也真氣復者
生邪氣勝者危瘡腫之病潰後脈微而勻舉自差

也

遲脈之診按舉來遲呼吸定息方得三至其狀似緩而稍遲癰疾得之則善新疾得之則正氣虛憊瘡腫得之潰後自痊

緩脈之診按舉似遲而稍駛於遲仲景曰陽脈浮大而濡陰脈浮大而瀋陰陽同等謂之緩脈見長緩百疾自瘳凡諸瘡腫潰後其脈瀋遲緩者皆易愈以其脈候相應是有胃氣也

沉脈之診舉之不足按之方見如爛綿其主邪氣在臟也水氣得之則逆比陰脈也瘡腫得之邪氣深

也

伏脈之診比沉而伏舉之則無按之至骨方得與沉相類而邪氣益深矣

虛脈之診按之不足遲大而軟輕舉指下豁然而空經曰脈虛則血虛血虛生寒陽氣不足也瘡腫脈虛宜托裏和氣養血也

軟脈之診按之則如帛在水中極軟而沈細亦謂之濡其主胃氣弱瘡腫得之補虛排膿托裏

弱脈之診似軟而極微來遲而似有仲景曰微弱之脈綿綿如瀉漆之絕其主血氣俱虛形精不足大

外種精義 卷上 十一
抵瘡家沉遲濡弱皆宜托裏

促脉之診按之則去數來時一止而復來仲景曰陽盛則促主熱畜於裏也下之則和瘡腫脉促亦急下之

結脉之診按之則往來遲緩時一止而復來仲景曰陰盛則結經曰促結則生代則死

代脉之診按之則往來動則中止不能自還因而復動者曰代脉也代者氣衰也諸病見之不祥大凡瘡腫之病脉促結者難治而况見代脉乎

動脉之診見於關上無頭尾如豆大厥厥然而動搖者是也脉經曰陰陽相搏故謂之動動於陽則陽氣虛而發厥動於陰則陰氣虛而發熱是陽生於天而動於寸陰生於寸而動於尺不可不辯也

論三部脉所主證候

大寸關尺者脉之位也浮沉滑瀯者脉之體也奠位分體指文語證者診脉之要道也脉經曰大凡診候兩手三部脉滑而遲不浮不沉不長不短去來齊等者無病也

寸口脉浮者傷風也緊者傷寒也弦者傷食也浮而緩者中風也浮而數者頭痛也浮而緊者膈上寒

脇下冷飲也沉而緊者心下寒而積痛沉而弱者
虛損也緩而遲者虛寒也微弱者血氣俱虛也弦
者頭痛心下有水也雙弦者兩脇下痛也偏絕者
不遂也俱絕者不治也澁澁如羹上肥者陽氣微
也連連如蜘蛛絲者陽氣衰也

關主中焦胃腹中事去來徐而緩者無病也浮者腹
滿而不欲食胃虛脹也澀者客熱在胃也數者熱
結中焦也沉伏者中焦水氣或嘔逆而吞酸也弱
者胃氣虛也雖有虛熱不可大攻須防熱去則生
寒也牢而實者腹滿嚮嚮噎塞而不通或復大痛

澀者氣逆也芤則瀉血滲堅大實按之不減而有
力者中焦實有結伏在胃也微浮者積熱不消蛇
動心悸也

尺主下焦腰腎膝脛是中事也尺脉浮者風熱小便
難也沉者腰背痛而腎氣不足數者臍下熱痛小
便赤色而惡寒也遲者下焦寒而陰虛也緊者臍
下小腹急痛也緩者腳弱下腫而痿痺也弱者下
冷而腎氣衰也軟者腳不收而風痺小便難也伏
者小腹痛而疝瘕穀不化也細者溇泄而下冷也
芤者小便澀血而下虛也牢而小者足膝寒痺脚

下隱隱疼痛也細而急者筋攣不能行也來而斷絕者男子小腹有滯氣也婦人月水不利也

論三部脉所主雜病法訣

夫三部之中俱見一脉所主雜病畧而言之脉經曰陽邪來見浮洪陰邪來見微細水穀之邪來見實堅寒癖之邪來見弦小又曰浮而滑者宿食也短而滑者酒病也遲而滑者脹滿也洪而大者傷寒也浮而數者傷風也浮而急者飲食不消脾不磨也沉而弦者寒氣結而陰痛也浮而緩者皮膚不仁也滑而散者癰瘰也遲而緩者寒癥也浮而濇者霍亂也弱而

濇者反胃也緊而滑者吐逆也短而數者心病也弦而數者爲瘧也緊而急者尸遁也實小而堅者病在內而冷也浮滑而緊者病在外而熱也短而急者病在上也長而緩者病在下也長而弦者病在肝也滑而洪者病在心也微而軟者病在脾也浮而濇者病在肺也沉而緊者病在腎也又訣曰諸浮爲風或爲虛也諸緊爲痛或爲積也諸濇爲痺諸弦爲飲諸數爲熱諸遲爲寒芤則爲失血軟則爲虛若脉沉沉澤澤四肢不仁者亡祟也或大而懶懶者社祟也若脉不乍大乍小乍短乍長者鬼祟也

論診候肺疽肺痿法

夫肺者五臟之華蓋也處於胃中主於氣候於皮毛勞傷血氣腠理虛而風邪乘之內感於肺也則汗出惡風咳嗽短氣鼻塞項強胃腸脹滿久久不瘥已成肺痿也風中於衛呼氣不入熱至於榮則吸而不出所以風傷皮毛熱傷血脉風熱相搏氣血稽留蘊結於肺變成瘡疽診其脉候寸口脉數而虛者肺痿也數而實者肺疽也肺痿之候久嗽不已汗出過度重亡津液便如爛瓜下如豕脂小便數而不渴渴者自愈欲飲者欲瘥此由肺多唾涎沫而無膿者肺痿也

其肺瘡之候口乾喘滿咽燥而渴甚則四肢微腫咳唾膿血或腥臭濁沫胃中隱隱微痛者肺疽也又聖惠口中府隱隱而微痛者肺疽也上肉微起者肺瘡也中府者穴也在雲門下一寸六分乳肋間動脉應手陷中也是以候始萌則可救膿成則多死若欲知有膿者但診其脉若微緊而數者未有膿也緊甚而數者已有膿也又內經曰血熱則肉敗榮衛不行必將爲膿大凡肺瘡當咳嗽短氣胃滿時唾膿血久久如粳米粥者難治若嘔膿而不止者亦不可治也其嘔膿而自止者自愈其脉短而濇者自痊浮大者難

治其面色當白而反面赤者此火之剋金皆不可治
論將護忌慎法

大凡有瘡疽生皆只如黍粟粒許大其狀至微人多
不以爲急此蘊大患宜速辯之不可自忽若能防之
於未形理之於未成或朝覺而夕治求治於良醫則
必無危困矣若因循慢忽詢於庸醫致令膿血結聚
委之於命束手待斃不以去道遠乎以致筋骨敗遺
穿通臟腑死者十有八九矣可不慎歟蓋患瘡疽之
人托命庸醫任意措置危殆立至若用良醫則可保
痊愈用醫之際不可不擇辯之何難若能飽讀經書

又諳證候湯藥熟閑洞明色脉性情仁善孝義忠信
臨事不惑處治有決方爲良醫委用勿疑然後要在
病人自克不可恚怒悲憂叫呼忿恨驕恣情性信任
口腹馳騁勞役惟宜清靜恬澹耐煩爲宜於患人左
右止息煩雜切忌打觸器物諸惡音聲爭辯是非呪
罵鬪毆及產婦媼男體氣不潔帶酒腥羶鷄犬乳兒
孳畜禽獸並須遠離設或親友重意問疾者可以預
囑徐行低聲欵曲伺候禮畢躬退勿令嗟呀驚怪話
舊引其遠賞宴樂遠別親戚牽惹情懷但恐病人心
緒淒愴尤不可亂舉方藥徒論虛實惑亂患人凝滯

不決低合方便省問不可又坐多言勞倦病人深不
 長便夫侍患者宜須壽近中年情性沉厚勤謹耐煩
 仁慈智惠全在調以粥藥無失時節勿令於患人左
 右彈指嗟咨掩淚竊言感激病人甚不利便飲食之
 間忌慎非細不可不載畜中勿食驢馬駝騾猪狗牛
 羖羊等并雜魚龜鼈蝦蟹及淹浥臭陳自死病倒之
 類慎勿嘗啖飛禽之中忌食鴉鳴鴻鷹雀鶴鴛鴦鷺
 鷺鳩鴿鴉鷄雉及能學人言者慎勿食之野獸之中
 忌食獐鹿狐兔虎豹熊豺及爪牙害人有毒蟲獸并
 父母自本命生屬忌慎勿嘗啖菜蔬之中忌食黃瓜

茄子蘭香芸薹胡荽生菜蓼芥茵荊菲蒜葱薤慎勿
 食之果木之中忌食桃杏棗栗李柰梨梅櫻棗红柿
 櫻桃胡桃榛松林擒及諸蟲蚋未熟之果慎勿食之
 若其瘡疽膿潰腫消氣血虛弱則可食羊肉鶴鶉蔓
 菁薑醬瓜薺蘿蔔及黃白糧米細米稀粥軟飯若至
 肌肉漸生思想滋味則宜食白熟酥餅糝粥羹湯熟
 軟溫和稀稠得中製造如法勿令太飽此時猶忌饅
 頭蒸餅餠饅餛飩肉角煎餅及炙煨燠煖煎炒鹹酸
 油膩脂肥魚肉若至肌膚欲平惡肉去盡瘡口收斂
 之際尚忌起立行步揖待賓客房酒宴會嗔怒沐浴

登陟臺榭運動肢體寒暑勞倦正宜調節飲食保攝
以待瘡癥平復精神如故氣力完全萬無所忌百日
內慎勿觸犯之

論瘡疽腫虛實法

夫瘡疽膿潰腫毒浸展證候危惡者須辯虛實況夫
虛者難補實者易瀉補瀉之法不可輕用若或少差
利害甚大然而虛實證多端不可不辯有瘡之虛實
有臟腑氣血上下真邪各有虛實故不同也分而言
之則腫起堅硬膿稠者瘡疽之實也腫下軟慢膿稀
者瘡疽之虛也瀉痢腸鳴飲食不入嘔吐無時手足

並冷脉弱皮寒小便自利或小便時難大便滑利聲
音不出精神不爽者悉臟腑之虛也大便秘小便澀
飲食如故腸滿膨脹胃膈痞悶肢節疼痛口苦咽乾
煩躁多渴身熱脉大精神昏塞者悉臟腑之實也凡
諸瘡疽膿水清稀瘡口不合聚腫不赤肌寒肉冷自
汗色脫者氣血之虛也腫起色赤寒熱疼痛皮膚壯
熱膿水稠粘頭目昏重者氣血之實也頭疼鼻塞目
赤心驚咽喉不利口舌生瘡煩渴飲冷睡語咬牙者
上實也精滑不滯大便自利腰腳沉重睡卧而不寧
者下虛也肩項不便四肢沉重目視不正睛不了了

食不知味音嘶色敗四肢浮腫者真氣之虛也腫焮尤甚痛不可近積日不潰寒熱往來大便秘澀小便如淋心神煩悶恍惚不寧者邪氣之實也又曰真氣奪則虛邪氣勝則實又曰諸痛爲實痒爲虛也又曰診其脉洪大而數者實也微細而軟者虛也虛則補之和其氣托裏也實則瀉之踈利而自導其氣內經謂血實則決之氣虛則掣引之

辯瘡腫淺深法

夫瘡候多端欲辯淺深直須得法若不素知方論而妄生穿鑿者如大匠捨其繩墨以意度量安能中於

規矩哉嘗聞古人有言曰多則惑少則得簡而論之則瘡疽槩舉有三種高而軟者發於血脉腫下而堅者發於筋骨肉皮色不相辯者發於骨髓又曰凡療瘡疽以手按搖瘡腫根牢而大者深也根小而浮者淺也又驗其人初生瘡之時便覺壯熱惡寒拘急頭痛精神不寧煩躁飲冷者其患瘡疽必深也若人雖患瘡疽起居平和飲食如故其疾浮淺也惡瘡初生其頭如米粟微似有痛痒誤觸破之卽焮展覺有深意速服犀角湯及漏蘆湯通氣丸等取通利踈暢兼用浴毒湯瀉瀆之類若浮淺者紙貼膏求差以此推

之淺深之辯始終之次者也

辯膿法

夫瘡腫之疾毒氣已結者不可論內消之法卽當辯膿生孰淺深不可妄開視其可否不至於危殆矣凡瘡疽腫大按之乃痛者膿深也小按之便痛者膿淺也按之不甚痛者未成膿也若按之卽復者有膿也不復者無膿也非也必是水也若發腫都軟而不痛者血癰也發腫日漸增長而不大熱時時牽痛者氣癰也氣結微腫久而不消後亦成膿此是寒熱所爲也醫積經久極陰生陽寒化爲熱以此潰必多成癰

宜早服內塞散以排之諸癰癧疔贅等至年衰皆自內清理於年壯可無後憂也又凡癰癧疽以手掩其上大熱者膿成自軟也若其上薄皮剝起者膿淺也其腫不甚熱者膿未成也若患癰癧結核寒熱發渴經久不消者其人面色痿黃被熱上蒸已成膿也至於臟腑腸胃內瘡內疽其疾隱而不見目旣不見手不能近所爲至難可以診其脉而辯之亦可知矣有患胃脘癰者當候胃脉人迎者胃脉也其脉沉細者氣逆則甚甚則熱聚胃口而不行胃脘而爲癰也若其脉洪數者膿已成也設脉遲緊雖膿未就已有癰

血也宜急治之不爾則邪毒內攻腐爛腸胃不可救也又肺癰論曰始萌則可救膿成卽死不可不慎也又久咳膿如粳米粥者不治嘔膿而止者自愈也又腸癰論曰或透臍生瘡膿從瘡出者有出臍中者惟大便下膿血者自愈也

辨瘡疽癰腫證候法

夫瘡疽癰腫其名甚多載之紛紛方書自緒及至臨疾治之無據不知所以內經曰知其要者一言而終不知其要者流散無窮愚雖不才姑揣其要而言之熱發於皮膚之間是以浮腫根小至大不過二三寸

者癰也六腑積熱騰出於外肌肉之間其發暴甚腫皮光軟侵展廣大者癰也五臟風積熱攻熾於肌骨風毒猛暴初生一頭如痞癰白焦枯觸之應心者疽也夫癰疽發於六腑若燎原之火外潰膚肉疽生五臟沉澀難療若陶室之燧內消骨髓癰則易療惟難將息而遲瘡疽則難療易得痊復夫癰與瘡初生並宜灸之謂其氣本浮達以導其熱令速暢也疽則烙不宜灸謂其氣本深沉須達其原也凡瘡疽生於外皆由熱毒蘊於內明乎三者腫毒丹疹可以類推矣蓋皮膚微高起而肌厚或痛或痒移走無常者謂之

腫有因風而得之者有因風熱相搏而得之者腫硬
色白因熱而得之者腫焮色赤因風熱相搏而得之
者又久而不消熱勝於風若不卽治血不流通與氣
乘之以成膿也又曰風多則痒熱多則痛此爲驗也
又有丹毒者謂人身忽然變赤如塗丹之狀故謂之
丹毒世俗有云赤瘤或因有瘡誤而相觸四畔焮赤
謂之瘡瘤凡丹毒之疾皆遊走不定狀如雲氣者是
也小兒得之最忌百日之內謂之胎瘤以其氣血嫩
弱臟腑柔脆難任鍼針所以忌也又頸腋之間而生
結核初如豆粒或如梅李核累累相連歷歷三五枚

久久不消以漸長大或發寒熱者謂之瘰癧有風毒
者得於風熱毒者得之於熱氣毒者得之於氣悉由
風熱邪氣蘊經所成證候不同治之者亦各異矣

辨瘡疽善惡法

夫瘡疽證候善惡逆從不可不辯從來醫瘡瘰舉五
善七惡殊不知此特謂腸胃之內臟腑瘡疽所論之
證也發背腦疽別有善惡之證載之于後蓋七惡者
煩躁時嗽腹痛渴甚或泄痢無度或小便如淋者一
惡也膿血既洩腫焮尤甚膿色敗臭痛不可近二惡
也目視不正黑睛緊小白睛青赤瞳子上看三惡也

喘粗短氣恍惚嗜卧四惡也肩背不便四肢沉重五惡也不能下食服藥而嘔食不知味六惡也聲嘶色敗唇鼻青赤面目四肢浮腫者七惡也動息自寧飲食知味一善也便利調勻二善也膿潰腫消水鮮不臭三善也神彩精明語聲清亮四善也體氣平和五善也病有證合七惡皮急緊而如善者病有證合五善而皮緩虛如惡者夫如是者豈淺識之所知哉只知五善併至則善無以加矣七惡併至見惡之極矣愚意裁之凡患瘡疽之時五善之中乍見一二善證瘡亦回也七惡之內忽見一二惡證宜深懼之大抵證候瘡疽之發虛中見惡證者不可救也實證無惡候者自愈大凡膿潰之後而煩疼尚未痊者診其脉洪滑麤散者難療微瀯遲緩者易痊此善惡之證於診候之中亦可知也發背腦疽及諸惡瘡別有五逆之證者白睛青黑而眼小服藥而嘔傷痛渴甚脾項中不便音嘶色敗者是爲五逆其餘熱渴痢嘔蓋毒氣入裏臟腑之傷也當隨證以治之

砭鑱法

夫上古制砭石大小者隨病所宜也內經謂針石砭石鑱針其實一也今時用鑱者從聖濟總錄丹毒論

日法用鑱割出血明不可緩也合扁鵲云病在血脉者治之以砭石此舉素問血實宜決之又氣血形志論曰形樂志樂病生於內治之砭石蓋砭石者亦東方來爲其東方之民其病多瘡瘍其法宜砭石砭石之用自有證候非止丹癰也但見腫起色赤遊走不定宜急鑱之先以生油塗赤上以鑱鑱之要在決洩其毒然而此法不可輕用忌其太深內經所謂刺皮無傷肉以其九鍼之用而各有所宜也砭鑱之法雖治瘡疽不可輕用也

貼熯法

夫瘡腫之生於外者由熱毒之氣蘊結于內也蓋腫於外有生頭者有漫腫者有皮厚者有皮薄者有毒氣深者有毒氣淺者有宜用溫藥貼熯者有宜用涼藥貼熯者有可以乾換其藥者有可以濕換其藥者深淺不同用藥亦異是以不可不辯也若瘡腫初生似有頭者卽當貼溫熱藥引出其熱毒火就燥之義也於四畔赤嫩處搗生寒藥貼熯之折伏其熱勢驅逐其邪惡撲火之義也夫生寒藥勢氣力精全性味雄健或有療者不本物理皆通用藥草膏之類有勢力微欲使疔瘡者敵其勇夫不亦難乎又有粗工不

審逆從便用寒藥敷貼起疹邪毒復入于內歸于肝
心十死八九矣大抵敷貼之法欲消散腫毒血脉踈
通寒熱逆從斷其去就焉慎不可執方無權安能散
于鬱結不成膿乎其腫皮厚者以故軟布或以紙花
子塗藥貼熨之待其藥乾換腫皮薄者即用踈紗或
薄紙塗藥貼熨之其藥未乾卽當換之若至膿潰之
後卽貼溫肌生肉膏藥要在逐臭腐排惡汁取死肌
生良肉全藉溫熱膏劑之力也切勿用寒涼之藥水
調貼之夫血脉喜溫而惡寒若著冷氣過理卽血滯
難瘥矣

漏潰瘡腫法

夫漏潰瘡腫之法宜通行表發散邪氣使瘡內消也
蓋湯水有蕩滌之功古人有論瘡腫初生經一二日
不退卽須用湯水淋射之其在四肢者漏潰之其在
腰腹背者淋射之其在下部委曲者浴漬之此謂踈
導腠理通調血脉使無凝滯也且如藥二兩用水二
升爲則煎取一升半以淨帛或新綿蘸藥水稍熱濕
其患處漸漸喜濕淋浴之稍涼則急令再換慎勿冷
用夫血氣得寒則凝澀得熱則淖澤日用五七次病
甚者日夜不住或十數次腫消痛止爲驗此治瘡腫

外科精義 卷上
神良之法也

鍼烙瘡腫法

夫瘡疽之疾證候不一鍼烙之法實非小端蓋有淺有深有遲有速宜與不宜不可不辯蓋疽腫皮厚口小腫多膿水出不快者宜用鍼烙痛皮薄惟用鍼以決其膿血不可烙也如有未成膿已前不可以諸藥貼燴湯漬救療以待自消久久不消內潰成膿卽當棄藥從其針烙當用火鍼如似火筋磨令頭尖如棗核樣圓滿用燈焰燒須臾作炬數搵油燒令赤於瘡頭近下烙之一烙不透卽須再烙令透要在膿水易

出不假按抑近代良醫倉卒之際但以金銀鐵錐其樣如鍼者可通用之實在洩其毒也或只以木炭熟火猛燒通赤蘸油烙之尤妙烙後實者撻髮爲紐虛者以紙爲紐於紐上醮藥紐之上以帛攤溫熱軟粘膏藥貼之常令滋潤勿令燥也夫瘡疽旣作毒熱聚攻蝕其膏膜肌肉腐爛若不鍼烙毒氣無從而解膿淤無從而泄過時不烙反攻其內內旣消敗欲望其生豈可得乎嗟乎此疾針烙取差實爲當理然忌太早亦忌稍遲嘗見麤工不審其證淺深妄施針烙之法或瘡深針淺烙毒氣不得泄以致內潰或瘡淺烙

深誤傷良肉筋骨腐爛或抑擦掀動加益煩痛或針之不當別處作頭或卽時無膿經久方潰遂使痛中加痛真氣轉傷詳其所由不遇良醫也以此推之凡用醫者不可不擇縱常醫療之得痊者幸矣

灸療瘡腫法

夫疽則宜灸不宜烙癰則宜烙不宜灸丹瘤腫毒宜湯漬之腫皮光軟則鍼開之以洩其毒治瘡之手法迨不過此而各有所宜故聖惠方論曰認是疽瘡便宜灸之一二百壯如菘豆許大灸後覺似熾痛經一宿乃是火氣下徹腫內熱氣被火守之隨火而出所以然也若其瘡痒宜隔艾餅子灸之其餅須以椒薑鹽葱相和爛搗捏作餅子厚薄如折三錢以來當瘡頭鼓餅子上灸之若覺太熱卽擡起又安其上餅子若乾更換新者尤佳若其瘡痛卽須急灸壯數多爲妙若其膿已成者慎不可灸卽使針開之卽得瘡也若諸瘡經久不瘥變成癭者宜用硫黃灸法灸之其法硫黃一塊可瘡口大小安之別取少許硫黃於火上燒用釵尖挑起點硫黃令著三五遍取膿水乾差爲度若其發背初生卽宜上餅灸法灸之初覺背上

有瘡疼痒頗異認是發背卽取淨土水和捻作餅子

徑一寸厚二分。貼著瘡上以艾作炷灸之一炷一易餅子其瘡粟米大時可灸七七炷其瘡如錢許六日夜不住灸以瘡爲度已上數法並依本方一一親驗所以載之愚謂瘡醫自幼至老凡所經驗必須寫之嘗記疔癩惡瘡諸醫不驗者取蟻螬剪去兩頭安瘡口上以艾灸之七壯一易不過七枚無不効者又法用乞火婆重灸之同前法累驗之神効人皆祕之往往父子不傳又法赤皮蒜搗爛焯作餅子一如豆豉餅子灸法灸之彌佳

內消法

夫瘡疽丹腫之生皆由陰陽不調榮衛凝滯氣血不流之所生也古人有言曰陽滯於陰則生瘡陰滯於陽則生疽瘡疽之生有內有外內生於臟腑胃腹之中外則生於膚肉筋骨之表發無定處夫鬱滯之本則因氣血不流蒸氣不能外達留滯而成內熱瘡疽所生焉若初覺氣血鬱滯皮肉結聚腫而未潰特可踈滌風熱通利臟腑一二行徐次諸湯湯瀉漬卽得內消矣不然則治之稍慢毒熱不散反攻其內致令膿血之聚也內經謂治病必求於本蓋瘡疽本乎中熱之鬱結不通也其風邪寒氣所聚也治之宜溫熱之

劑和血令內消也辨之有法須認風寒則腫硬色白熱毒則嫩腫色赤以爲異也如有氣已結聚不可論內消之法宜用排膿托裏之藥此皆先後之次也

追蝕瘡疽腫法

夫瘡瘍生於外皆由積熱蘊於內內經謂血熱肉敗榮衛不行必將爲膿留於節膜必將爲敗蓋瘡疽膿潰爛之時頭小未破瘡口未開或毒氣不出疼痛難任者所以立追蝕膿之方法使毒外泄而不內攻惡肉易去好肉易生也若其瘡維其血出不止者則未可維於瘡上糝追蝕之藥待其熟可維方維若其瘡

維之痛應心根者亦不可以強維之悞觸其瘡其焮痛必倍變證不無不可不慎也若瘡癰膿成未破於上薄皮剝起者卽當用破頭代鍼之劑安其上以膏貼之膿出之後用搜膿化毒之藥取効如神矣若膿血未盡便用生肌斂瘡之劑務其早愈殊不知惡肉不盡其瘡早合後必再發不可不慎也

托裏法

夫瘡疽丹腫結核癰癤初覺有之卽用內消之法經久不除氣血漸衰肌寒肉冷膿汁清稀毒不出瘡口不合成聚腫不赤結核無膿外證不明者並宜托裏

膿未成者使膿早成膿已潰者使新肉早生血氣虛者托裏補之陰陽不和托裏調之大抵托裏之法使瘡無變壞之證凡爲瘡醫不可一日無托裏之藥然而寒熱溫涼煩渴利嘔臨證宜審其緩急耳

止痛法

夫瘡疽之證候不同寒熱虛實皆能爲痛止痛之法殊非一端世人皆謂乳沒珍貴之藥可住疼痛殊不知臨病制宜自有方法蓋熱毒之痛者以寒涼之劑折其熱則痛自止也寒邪之痛以溫熱之藥熨其寒則痛自除矣因風而有痛者除其風因濕而有痛者

其滋燥而痛者潤之寒而痛者通之虛而痛者補之實而痛者瀉之因膿鬱而閉者開之惡肉侵潰者引之陰陽不和者調之經絡祕澀者利之臨機應變方爲止醫不可執方而無權也

用藥增損法

古人用藥因病制宜治不執方隨病增損療積聚補益可用丸藥以從舊不改方增損瘡疽危要之際證候多種安有執方之論固可臨時加減以從其法只如發背腦疽惡疔腫膿潰前後而頭痛者於托裏藥內加五味子恍惚不寧加人參茯苓虛而發熱

者加地黃栝藹根往來寒熱者并潮熱者加柴胡地
骨皮渴不止者加知母赤小豆大便不通者加大黃
芒硝小便不通者加木通燈草虛煩者加枸杞子天
門冬自利者加厚朴四肢厥逆者加附子生薑嘔逆
者加丁香藿香多痰者加半夏并陳皮膿多者加當
歸川芎痛甚者加芍藥乳香肌肉遲生者加白欬官
桂有風邪者加獨活防風心驚怯者加丹砂口目瞤
動者加羌活細辛愚雖不才自幼及老凡治瘡疽常
依此法加減用藥取効如神後之學者宜細詳焉

療瘡腫權變通類法

夫瘡疽之病治療多方總而論之各有所宜補瀉淋
瀉及敷掃貼燻鍼鑱灸烙用之不同蓋知其道也舉
治必効昧於理者利害不無嘗見以寒療熱以熱療
寒古今之通論也又有檢方療病妄製加減以意裁
之自以爲可殊不知病有逆從治有緩急法有正權
方有竒偶用有輕重夫醫者意也得其意然後能變
通也達其變通者悟其道而省其理也則左右逢其
源矣愚雖不才畧陳萬一嘗見治寒以熱而寒彌甚
治熱以寒而熱彌熾者何也蓋不知五臟有陰陽之
性其可因其類而取之也假如心實生熱者當益其

腎腎水滋熱將自除腎水虛生寒當補心心火既降
寒將自除此所謂寒之而熱者取之陰熱之而寒者
取之陽也又寒因熱用熱因寒用要在通其理類而
已又聞微者逆之甚者從之何謂也蓋治寒以熱必
涼而行之治熱以寒必溫而行之此亦欲其調和也
其間有正有權者何也蓋病有微有甚微者逆治理
之正也甚者從治理之權也然爲瘡科於補瀉汗下
標本逆從正權之理烏可闕而不知也大凡治療瘡
疽之要法曰初覺熱毒發熱鬱結而作瘡疽一二日
宜先服五利湯蕩滌邪氣疎通臟腑令內消也古今

湯法謂切剉咀如麻豆大以猛火急煎無令過熟
欲其速利也次有丸散宜導血脉漸次消磨令緩散
也助以淋瀝調和榮衛行經絡也更當膏潤溫養兼
磨傳四畔貼熯之藥順其陰陽也追蝕托裏汗下調
補臨時製宜淺深緩急自有等差男女貴賤亦當別
論晉尚書褚澄曰寡婦尼僧異於妻妾雖無房室之
勞而有憂思之苦此深達其情者也又仲景云物性
剛柔餐居亦異治亦不同也所以黃帝興四方之問
岐伯舉四治之能況病之新舊形志樂苦豈可執方
無權以求其愈疾哉亦有瘡疽腫痛初生一二日便

覺脉沉細而煩悶臟腑弱而皮寒邪毒猛暴恍惚不
寧外證深沉者亦宜卽當用托裏散或增損茯苓湯
反溫熱之劑以從治之

論五發疽

夫五發者謂癰疽生於腦背眉鬚鬢是也大槩論之
分爲三等一者疽也二者癰也三者癤也夫疽初生
如黍米大痒痛有異候觸破之卽焮展四畔赤腫沉
悶牽引脇肋疼痛數日之後漸覺肌膚壯熱惡寒煩
渴腫暈侵展燥漿汁出積日不潰抑之則流血者謂
之發背疽也其發於腦者爲腦疽也其發於鬚眉鬢

者以類呼也又有初生其狀無頭腫闊三四寸始覺
注悶疼痛因循數日皮光微軟者甚則亦令人發熱
惡寒頭痛煩渴者謂之發背癰也又有初生一頭色
浮赤而無根腫見於皮膚之間大小一二寸者癰也
三者之候惟疽最重此疾初生皆曰滋味與厚衣衣
服厚暖則表易招寒滋味過多則五臟生熱臟腑積
熱則血脉不流而毒氣凝滯邪氣伏蓄熱搏於血血
聚則肉潰成瘡淺則爲癰實則爲癰深則爲疽矣亦
有因服金石發動而患此疾者亦有平生不服金石
藥而亦患此疾者蓋由上祖曾服餌者其毒氣流傳

子孫此病初生認是疽則宜速療之若氣實之人急服五香連翹湯漏蘆湯若年幾未五十少壯實者可用追毒散之類貼溫熱膏劑更漏腫湯潰毒湯淋瀝之如此調治以待膿成已前不可以諸藥救療以安患人之心慎勿惱觸著至膿成敗潰宜服五香湯及內托裏散茯苓湯當歸托裏散之類渴不止者服竹葉黃芪湯乳香散勿爲大熱服大黃朴硝苦寒之藥若因服利藥而利不止者死矣若瘡中惡肉未退膿水不快者卽用追蝕之藥或銚子紐之上用鹿角散以醋熬爲糊貼之惡肉退去好肉漸生卽用搜膿散翠霞散之類紐之若瘡中毒氣未盡慎勿早斂忌早上生肌之藥縱得平復必再發其間調理次第臨時制宜將護忌慎之法耳

論癰疽

夫瘡腫之患莫大乎癰疽然而癰疽何以別之經所謂榮衛稽留於經脉之中則澀不行血脉不行則陽氣鬱遏而不通故生寒熱穢毒之氣騰出於外畜結爲癰久而不散熱氣乘之腐化爲膿然而骨髓不焦枯腑臟不傷敗可治而愈也何爲疽五臟風毒積熱

毒熱熾甚下陷肌膚骨髓皆枯血氣涸竭其腫色天
堅如牛領之皮故命曰疽癰者其腫皮薄以澤此其
候也癰疽之生有內有外內生胃腹臟腑之中外生
膚肉筋骨之表凡此二毒發無定處而有常名夫鬱
滯之本始於喜怒憂樂不時飲食居處不節或金石
草藥之發動寒暑燥濕之不調使陰陽之不平而蘊
結外使榮衛凝滯而腐潰輕者起於六腑浮達而爲
癰氣行經絡而浮也重者發於五臟沉澀而爲疽氣
行經絡而沉也明乎二者腫毒丹疹可以類推矣

論附骨疽

夫附骨疽者以其毒氣深沉附著於骨也此疾與賊
風相類而不同人不能辯治之悞矣蓋附骨疽者由
秋夏露卧爲冷折之風熱伏結附骨成疽賊風之候
由風邪之氣搏於骨節故其痛深徹骨髓遇寒則痛
甚附骨疽痛而不能轉初按之應骨皮肉微急洪洪
如肥狀者是也其賊風皮骨不甚熱而索索惡寒時
復汗出常欲熱熨痛處卽得少寬其附骨疽初時但
痛無時乍寒乍熱而無汗者經久不消極陰生陽寒
化爲熱而潰也賊風不治久而變爲彎曲偏枯所以
不同也認是賊風則服引越脾治風之劑卽得差矣

認是附骨疽急宜服漏蘆湯或五香連翹散踈下之
次用內消升麻湯及漏潰膏貼之類縱不能消亦得
浮淺及有緩疽石疽與附骨疽亦相類矣異者蓋緩
疽石疽皆寒氣所作深伏於骨髓之間有腫與皮肉
相似若疼而堅硬如石故謂之石疽緩疽其熱緩慢
積日不潰久乃亦紫黯色皮肉俱爛故名曰緩疽此
二者其治初覺便宜補虛托裏溫熱之劑以取消矣
其次調治臨疾制宜故不復具載矣

論陰瘡

夫陰瘡者大槩有三等一者濕熱陰瘡二者妬精瘡三
者陰蝕瘡又曰下疳瘡蓋濕瘡者由腎經虛弱風濕
相搏邪氣乘之瘙痒成瘡浸淫汗出狀如疥癬者是
也妬精者由壯年精氣盈滿久曠房室陰上生瘡赤
腫作害妨悶痒痛者是也陰蝕瘡者由腎臟虛邪熱
結下焦經絡痞澀氣血不行或房勞洗浴不潔以致
生瘡隱忍不醫焮腫尤甚由瘡在裏措手無方疼痛
注悶或小便如淋陰丸腫痛是也或經十數日潰爛
血膿肌肉侵蝕或血出不止以成下疳若身體壯熱
煩渴惡寒宜急治之以大豆甘草湯漬之漬毒湯者
洗浴之服五香連翹湯漏蘆湯等踈之更以截疳抵

聖散乾糝之四畔用磨風膏溫潤之後以將護忌慎
之渴不止者服竹葉黃芪湯大便軟者宜服托裏茯苓
苓調治之夫如是則無不差矣

論時毒

夫時毒者爲四時邪毒之氣而感之於人也其候發
於鼻面耳項咽喉赤腫無頭或結核有根令人增寒
發熱頭痛肢體痛甚者恍惚不寧咽喉閉塞人不識
者將爲傷寒便服解藥一二日腫氣增益方悞始召
瘡醫原夫此疾古無方論世俗通爲丹瘤病家惡言
時毒切恐傳染考之於經曰人身忽經變赤狀如塗

丹謂之丹毒此風熱惡毒所爲謂之丹瘤與夫時毒
特不同耳蓋時毒者感四時不正之氣初發狀如傷
寒五七日之間乃能殺人治之宜精辯之先診其脉
滑數浮洪沉緊弦瀆皆其候也蓋浮數者邪氣在表
也沉瀆者邪氣深也認是時毒氣實之人急服化毒
丹以攻之熱實以五利大黃湯下之其有表證者解
毒升麻湯以發之或年高氣軟者五香連翹湯主之
又於鼻內啗通氣散取十餘嚏作効若啗藥不嚏者
不可治之如嚏出膿血者治之必愈如左右看病之
人日日用啗藥嚏之必不傳染切須忌之其病人每

日用嚏藥三五次以泄熱毒此治時毒之良法也經三四日不解者不可大下猶宜和解之服犀角散連翹散之類至七八日大小便通利頭面腫起高赤者可服托裏散黃耆散宜針鑱破割出血泄其毒氣十日外不治自愈也此病若五日已前精神昏亂咽喉閉塞語聲不出頭面不腫食不知味者必死之候治之無功矣然而此疾有陰有陽有可汗有可下嘗見屬工但云熱毒只有寒藥殊不知病有微甚治有逆從不可不審矣

論諸瘡

夫諸瘡之生其類甚多種大小方書載之紛紛以要而論槩舉四等一者因於氣血稽留而結於內者謂腸胃之中癰疽是也二者因於氣血稽留而結於外者謂十疔九癩五疔之類是也三者不因氣血而爲瘡謂墮仆并金刃湯火灸烙而傷皮肉之類是也四者不因氣血而骨肉損傷者謂蟲獸爪牙所害之類是也然而四等皆不難損於肌膚害於筋骨不必見載今於隨方條下該說治證以法附之爲治之者臨疾制宜適事爲故耳

論疔瘡腫

夫丁瘡者以其瘡形如丁蓋之狀者是也古方論之
凡有十種華元化載之五色丁千金方說丁瘡有十
三種以至外臺必要神巧萬全其論頗同然皆不離
於氣客於經絡五臟內蘊毒熱初生一頭凹腫痛青
黃赤黑無復定色便令煩躁悶亂或增寒頭痛或嘔
吐心逆以針刺瘡不痛無血是其候也其候本因甘
肥過度不慎房酒以致邪毒嗜結遂生丁瘡內經曰
膏梁之實足生丁瘡此之謂也其治之法急於艾炷
灸之若不覺痛者針丁四邊皆令血出以迴瘡錠子
從針孔縫之上用膏藥貼之仍服五香連翹湯瀉
湯等疎下之爲効若或針之不痛無血者以猛火燒
錢針通赤於瘡上烙之令如焦炭取痛爲効亦縫前
錠子用膏藥貼之經一二日膿潰根出服托裏湯散
依常療之以取平復如針不痛其人眼黑或見火光
者不可治也此邪毒之氣入臟腑故也養生方云人
汗入食肉食之則生丁瘡不可不慎也

辯丁腫十三種形色禁忌

凡療丁腫皆刺瘡心至痛處又刺四邊十餘下令血
出去血傳藥藥力得入針孔中則佳若不達裏藥力
不到又看口中頰邊舌上有赤黑如珠子者是也瘡

上按之砭痛應心者是秋冬寒毒久結皮膚中變作此瘡不急療之日夜根長流入諸脉數道如箭入身顫掉不已若不慎口味房室死不旋踵經五六日不差眼中見火光心神昏昧口乾心煩嘔吐不定宜速治之

一曰麻子丁其狀肉起頭如黍米色稍黑四邊微赤多痒忌食麻子油衣布衣并入麻田中行

二曰石丁其狀皮肉相連色如黑豆甚硬刺之不入肉微痛忌瓦礫磚石之屬

三曰雄丁其狀炮頭黑靨四畔仰炮漿起有水出也黃大如錢孔形高者忌房室

四曰雌丁其狀瘡稍黃向裏靨亦似灸瘡四面炮漿起心凹色赤如錢孔者忌房室

五曰火丁其狀如湯火燒灼瘡頭黑靨四邊有煙漿又如赤粟米者忌火燒烙

六曰爛丁其狀色稍黑有白斑瘡中潰有膿水流出瘡形大小如匙面者忌沸熱食爛物

七日三十六丁其狀頭黑浮起形如黑豆四畔起赤色今日生一明日生二及至十若滿三十六藥所不能治未滿三十六可治忌嗔怒畜積愁恨

八日蛇眼丁其狀瘡頭黑皮浮生形如小豆狀似蛇眼大體硬忌惡眼人看并嫉妬人見忌毒藥

九日鹽膚丁其狀大如匙面四邊皆赤有黑粟粒起食鹽大忌

十日水洗丁其狀大如錢形如錢孔瘡頭白裏黑壓汁出中硬忌飲漿水水洗渡河

十一日刀鑣丁其狀潤狹如薤葉大長一寸左側肉黑如燒烙忌刺及刀鑣切割鐵刀所傷可以藥治不可亂攻

十二日浮漚丁其狀瘡體曲圓少許不合長而狹

薤葉大肉黃外黑黑處刺之不痛黃處刺之痛

十三日牛拘丁其狀肉色炮起搯不破

右十三種丁瘡初起瘡心先痒後痛先寒後熱熱定

則寒多四肢沉重心驚眼花若大重者則嘔逆嘔逆

者難治其麻子丁一種始末惟痒初錄忌者不得觸

犯觸犯者發作難治療其浮漚丁牛拘丁兩種無所

禁忌縱不療亦不能殺人其狀寒熱與諸丁不同皆

宜將護依法治療禁忌勿得觸犯若或觸犯脊強瘡

痛極甚不可忍者是也又云丁腫初發時突起如丁

蓋故謂之丁令人惡心惡寒四肢強痛一二日瘡變

為焦黑色腫大光起根硬刺之不覺痛皆其候也在
手足頭面背骨節間最急其餘處則可毒入腹則
煩悶恍惚似醉如此者三二日死矣皆不可不速治
也

論瘰癧治法

夫瘰癧之病其名甚多巢氏病源載之三十六種于
金聖惠所論瘰癧九漏總論說有風毒熱毒氣毒之
異瘰癧結核寒熱之殊其本皆由志怒氣逆憂思過
甚風熱邪氣內搏於肝蓋怒傷肝肝主筋故令筋畜
結而腫其候多生於頸腋之間結聚成核初如豆粒

後若梅李核累累相連大小無定初覺增寒壯熱咽
項強痛腫結不消者當便服五香連翹湯或牡礪大
黃湯疎下三兩行於上貼十香膏烏犀膏及用淋瀝
腫湯潰毒湯時復淋瀝如此救療即得消散若未消
散可服內消丸或皂角丸之類漸以求差若腫結深
硬荏苒月日不能內消者久必成膿若腫高而稍軟
其人面色痿黃皮膚壯熱上蒸膿已成也可以針決
核中令其潰散則易愈也治法如瘡法于瘡口中用
追毒蝕肉銕子紐之於上用烏犀十香膏等貼之及
托裏之劑和之經久不差或愈而復發或別處自穴

外和精義 卷上 四十一
膿水透出流津不止肌體羸瘦者變成九瘻內經曰
陷脉爲癭留連內腠卽此病也可用蒜餅子灸之然
後瘡口上用紫金散翠霞散等於上紙貼膏藥求差
其將護忌慎治療用法無造次焉

論痔瘻

夫痔瘻之候其名有五一日牝痔二曰牡痔三日氣
痔四曰血痔五日酒痔又曰腸風痔脉痔雌雄痔皆
五痔之別名也其狀初生悉在肛邊或如鼠乳或結
小核痒痛注悶甚者身熱惡寒諸方論之皆由房酒
過度久嗜甘肥不慎醉飽以合陰陽勞擾血脉腸瘻
滲漏衝注下部肛邊生瘡變爲痔疾治法始覺痔作
便服通氣丸槐角丸熱實者服諸利湯踈利臟腑及
浴洗薰熨以取內消切忌酒麪辛熱房室肥膩稍縱
嗜欲腐滑膿血或逗流淫汁歲月已深旁穿竅穴卽
變痔漏卽須用寸金鏈子三五次痊愈若能味無味
之味正味足矣事無事之事百事備矣其次服餌調
節謹慎合宜未有不差者也

外科精義卷下

醫學博士選克御藥院外科大醫丞德之

明

新安

後學

吳勉學校正

漏蘆湯

治一切惡瘡毒腫丹癰濕癰疔腫魚睛五發癩疽
初覺一二日便如傷寒頭痛煩渴拘急惡寒肢體
疼痛四肢沉重恍惚悶亂坐卧不寧皮膚壯熱大
便秘瀉小便赤黃並宜服之姪身莫服

漏蘆

白欵

黃芩

去黑心

麻黃

去節

枳實

炙炒去穰

升麻

芍藥

甘草 炙

研硝 已上各壹兩

大黃 貳兩

右除硝外餘咬咀與硝同和勻每服三錢氣實人五錢水一盞半文武火煎七沸去粗空心熱服

化毒丹

治一切惡瘡毒腫初覺一二日咳逆煩悶或咽喉閉塞發熱惡寒

沒藥

乳香 已上各伍錢 另研

草烏頭 鹽浸炮裂

浮石

已上各壹兩燒赤醋淬柒次研餘醋另放

巴豆 肆拾玖箇去毒生用另研

右五味為細末用浮石烏頭餘醋打麵糊為丸如

豌豆大每服五七丸食後冷酒送下忌熱飲取快

利三二行或吐出惡為効

內消丸

治瘡腫初生及癰癤結核熱毒鬱滯服之內消矣大効

青皮

陳皮 已上各貳兩

牽牛 捌兩取頭末 貳兩

薄荷葉

皂角 已上各捌兩不利者去粗皮搥碎二味水一斗煮令極軟揉汁去粗用熬成膏

右將青皮陳皮末并牽牛末和勻用前膏子和丸如棗豆大每服三十九丸食後荆芥茶清溫水皆可

下之

五利大黃湯

治人年四十已前氣血盛多若患瘡疽大小便秘

大黃根

黃芩去腐

升麻已上各貳兩

芒硝

梔子已上各壹兩貳錢

右吹咀每服五錢水一盞半煎五七沸去粗空心

稍熱服

內消升麻湯

治證同前

大黃

升麻

當歸

黃芩去腐

枳實炒去穢

芍藥已上各貳兩

甘草炙壹兩伍錢

右吹咀每服五錢水一盞半煎至七分去粗食前

稍熱服

五香連翹湯如不用五香曰七味連翹湯

治證同前

沉香

藿香葉

木香

丁香已上各壹兩

麝香一字五味為粗末另引

連翹

射干

獨活

升麻

甘草炙

寄生草已上各壹兩

大黃壹兩伍錢

右七味吹咀與前五味和勻每服五錢水一盞半

煎至一盞去粗溫服取利為効未利則再服食前
牡礪大黃湯

治證同前

牡礪

木香

大黃

煨已上各等分

右咬咀每服五錢水一盞半煎至七分春夏露濕
一宿於鷄鳴時空心服之冬月於暖處放一宿婦
人重身者勿服此藥快利三兩行便勿服已上五
方對證選用

和血通氣丸

治證同前

人參

壹兩

麥門冬

去心貳兩

大黃

黃芩

去核

黃蘗

已上各肆兩

牽牛

壹斤炒香取頭末肆兩

右六味為細末煉蜜為丸如豌豆大每服二三十
丸食後溫水送下尋常積熱之人隔三二日服此
藥微利潤動未不生瘡腫如已早覺者服之亦得
內消矣

地黃煎丸

治臟腑有熱胃膈痰實血氣不和經絡祕滯多生
瘡腫已患惡瘡毒腫大小便結滯

生地黄

新者拾兩洗水浸研如泥

黃連

伍兩

外科精義
黃芩 去腐參兩

枳殼 炒去穢

大黃 已上各貳兩

人參 貳兩

右除地黃煎外並為細末再和地黃煎和搗入煉蜜丸如豌豆大每服五七十九食後溫水下素有熱之人日服百餘丸不發瘡湯年高氣弱之人亦宜常服清利胃腸明目

槐角煎丸

治瘡湯燥癰疥癬赤腫等瘡

天麻

川芎

甘草 炙

黃藥子

甘菊花

人參 已上各壹兩

何首烏

苦參 已上各壹兩
伍錢
荆芥穗

防風 已上各貳兩

槐角 并仁另放

皂角 不蛀者已上各肆兩水一斗煮軟搗汁去粗取仁熬成膏子其皂角取肉研成膏子為用者

右除皂角膏外槐仁與諸藥為細末入膏內溲和煉蜜為丸如豌豆大每服五十九食後竹葉湯下

皂角煎丸

治風毒瘰癧

皂角 不蛀者三十錠內半錠炮黑十錠酥炙十錠用水一斗煮軟搗汁用度

何首烏

玄參

薄荷葉 已上各肆兩

右為細末與前膏子同煉蜜為丸如豌豆大每服

外科精義 卷一
三四十九丸食後溫水送下

苦參散 出野夫多効方

治遍身瘡疥經年不効

苦參 蔓荆子 何首烏

荆芥穗 葳靈仙 已上各等分

右為細末每服二錢食前酒調下日進二服忌發

風物

苦參丸

治證同前

山梔子仁 苦參 防風

玄參 獨活 枳實

甘菊花 黃連 去鬚 黃芩 去心

大黃 已上各等分

右為細末煉蜜為丸如豌豆大每服五十九茶酒
任下食後服

肺風丸 全體治世方

治面鼻風瘡及皴皯

細辛 旋覆花 羌活 已上各壹兩

晚蠶蛾 去翅足 苦參 已上各貳兩

右為細末軟飯和丸如梧桐子大每服五十九茶

酒任下不拘時

連翹散

治瘡瘍癰腫一切惡瘡疼痛煩渴大便溏泄虛熱不寧

連翹

山梔子

甘草

防風

已上各等分

右爲麤末每服三錢水一盞煎至七分去粗溫服不拘時候

竹葉黃芪湯

出總錄一百二十四

治諸癰疽發背煩渴及一切惡瘡發大渴者

淡竹葉

貳兩

黃芪

當歸

川芎

甘草

黃芩

去心

芍藥

人參

麥門冬

去心

半夏

湯洗

石膏

已上各等分

生地黄

捌兩

右爲麤末每服五錢水一盞半竹葉五片生薑五片煎至一盞去粗溫服

枳殼丸

出總錄

治瘡疽熱癰腫癩癧

枳殼

麩炒去穢

牽牛

炒取頭末

木香

青皮

已上各壹兩

甘草

大黃

右為細末用皂角長一尺許者三錠約三兩炮焦
 槌碎以好酒煮軟採取汁熬膏稠粘和前藥末為
 丸如梧桐子大每服三五十九食後葱茶下日進
 二服

五香湯 出總錄

治諸瘡毒氣入腹托裏

丁香

木香

沉香

乳香 已上各壹兩

麝香 參錢嘔者去麝香加

藿香 湯加

人參 已上各壹兩

右為細末每服三錢水一盞煎至六分去粗空心

稍熱服總錄聖書心千金外臺治諸瘡腫方中皆載
 此方大同小異大抵專治毒氣入腹煩悶氣不通
 者其餘熱渴昏昧口燥咽乾大便硬小便澀者未
 可與服

托裏黃芪湯 出總錄

治諸瘡潰後膿多內虛

茯苓 去皮

人參

官桂 去肉

遠志 去心

麥門冬 去心

五味子 炮

黃芪

當歸 已上各等分

右為麤末每服五錢水一盞半煎至一盞去粗温

服食前

托裏茯苓湯

防風

桔梗

芍藥

五味子

川芎

甘草

麥門冬

桂去皮

熟地黃已上各壹兩

當歸

黃芪

茯苓已上各壹兩

右為末每服五錢水一盞半煎至一盞去粗溫服

托裏當歸湯太醫瘡科何君玉方

當歸

黃芪

人參

熟地黃

川芎

芍藥

甘草炙

柴胡已上各等分

右為麤末每服五錢水一盞煎至六分去粗食前

溫服

托裏散出太醫瘡科成子玉方

川烏頭炮

茯苓已上各參兩

乾薑炮

麻黃去節

甘草已上各壹兩伍錢

杏仁炒去皮尖

五味子

桂心已上各壹兩

右為麤末每服五六錢水一盞半煎至一盞去粗

食前溫服

托裏玄參散出總錄

主托裏止渴解熱煩渴

玄參

人參

甘草

甘菊花 已上各等分

右為細末每服二錢棗豆湯調下亦名內托散

內托散

洪氏方有芍藥總錄無芍藥亦名生肉芍藥散

治癰疽潰後內虛者或氣弱人初覺生瘡瘍亦可

服內消宜詳細用之

當歸

芎藭

黃芪

厚朴 去皮

桔梗

防風

甘草 炒

官桂

人參

白芷

芍藥 已上各壹兩

右為細末每服三錢溫酒調下或木香湯亦可

內補散

聖惠六十一總錄一百二十八無川芎

黃芪

麥門冬 去心

川芎

當歸

茯苓 去皮

人參

五味子 已上各壹兩

遠志 去心

甘草 炙

桂心 已上各伍錢

右咬咀每服五錢水一盞半生薑三片棗三枚煎

八分溫服無時

內塞散

總惠一百二十三萬全方中去附子用天雄

治疳瘻不差諸瘡

附子 貳箇炮

官桂 去皮

赤小豆

甘草 炙

黃芪

當歸

茯苓

防風

白芷

桔梗

川芎

人參

遠志 去心

厚朴 已上各壹兩

右為末每服二錢溫酒調下空心日進一服

香粉散

主托裏止痛解煩渴退虛熱

直隸豆粉 叁兩

南乳香 壹兩

右為細末每服三錢新水調下

止痛當歸湯 出總錄一百三十一

治腦疽發背穿潰穴痛

當歸

黃芪

人參

官桂

芍藥

甘草 炙

生地黃 已上各壹兩

右為麤末每服五錢水一盞半煎至一盞去粗溫

服日進三服

黃芪茯苓湯 出總錄一百三十一

治諸瘡潰後托裏除虛熱

黃芪

白茯苓

官桂去皮

麥門冬

五味子

川芎已上各壹兩

右為麤末每服五錢生薑三片棗一枚水一盞半煎至一盞去粗溫服食前日進三服

內補防風散

附子炮裂去皮臍

防風

茯苓

白芷

桔梗

川芎

當歸

人參

甘草炙

遠志

官桂去皮

黃芪已上各壹兩

厚朴貳兩生薑汁

赤小豆半升酒浸一宿

右為細末每服三錢溫酒調服

伏梁丸

出養生必用方

治環臍腫痛腸胃瘡疽

厚朴生薑汁製

茯苓

枳殼麩炒去穢

白朮

荆三稜炮

半夏湯洗七次

人參

已上各壹兩

右為細末麵糊為丸如小豆大每服三十丸食前米飲湯下

溫經丸

出前方

治暗瘕

厚朴

官桂

去皮

白木

甘草

乾薑

炮

木香

已上各壹兩

附子

貳兩醋浸炮淬七次去皮臍

右為細末煉蜜和丸如梧桐子大每服三十丸食後飲湯下

木香湯腫湯

治諸瘡疽始發腫焮增長熱痛

木香

犀角

大黃

梔子仁

升麻

黃芩

黃連

射干

黃蘗

白欬

甘草

炙

研硝

紫檀

羚羊角

已上各壹兩

右咬咀入生地黄汁五合如無只用生乾地黄五兩剉碎和勻每用藥五兩水一斗煎至七升入麝香五錢淨帛蘸藥熱搗腫上日兩三度冷即再換升麻湯腫湯

升麻

黃芪

防風

川芎

生地黄

細辛

已上各等分

右咬咀用藥二兩水二升煎十沸稍熱淋濁內消如神

外和...
漏腫升麻湯 出總錄淋湯條下

升麻

芒硝

黃芩

漏蘆

梔子仁

蒟藳

右咬咀每用藥二兩水三升煎十沸帛蘸藥湯漬

腫處

猪蹄湯 出聖惠方

升麻

甘草

芍藥

蒟藳 已上各等分

右咬咀每用藥四兩水一斗猪蹄一對煮蹄軟取

出次下藥再煎十沸帛蘸淋濕之

甘草大豆湯 出聖惠方

治外陰蝕下疳瘻瘡腫痛

甘草 參兩

赤皮葱 參莖

大豆 壹合

右用水三升煮豆熟為度用槐條一握同煮取清

汁熱淋浴冷即再溫浸三二時為度大効

漏腫湯

芍藥

丹參

黃芩 去黑心

白斂 已上各等分

右咬咀用藥五錢水一升煎十沸帛蘸頻濕之

洗毒湯

苦參

防風

甘草

炙

露蜂房

已上各等分

白芷

右咬咀水煎濃汁洗瘡腫

浴毒湯

出拾遺衛生方

治小腸風陰瘡痒痛

木通

藜蘆

枳殼

管仲

白芷

荆芥

甘松

薄荷

已上各等分

右咬咀用藥二兩水五升入芒硝半兩煎至三升

熱洗浴瘡

何首烏散

出秘寶衛生方

治遍身瘡腫痒痛

防風

苦參

何首烏

薄荷

已上各等分

右爲麤末每用藥半兩水酒各一半共用一斗六升煎十沸熱洗便於避風處睡一覺其痛甚者三

日痊愈

八仙散

出衛生方

治遊風腫痒疥癬瘡或因洗頭遊風瘙痒生瘡

細辛

荆芥

白芷

川芎

黃芩

防風

甘草

地骨皮

已上各等分

右為麤末每用藥二兩水二碗煎十沸去粗熱淋

湯患處

消毒湯

治百雜瘡腫悉能內消

獨活

防風

細辛

葉本

川芎

枸杞子

荆芥

漏蘆

大黃

黃芩

去腐

官桂

苦參

歲靈仙

丹參

黃芪

當歸

芍藥

茯苓

黃連

無心草

黃蘗

麻黃

葛根

蒴藿

菊花

杜仲

地骨皮

秦皮

蘭草

甘草

甘松

藿香

白芷

露蜂房

升麻

零陵香已上各壹兩

蒼朮

叁兩

研硝

伍兩

菖蒲

捌兩

右為麤末每用藥半兩水二升葱二莖槐柳枝各

一握同煎十餘沸去粗熱淋洗浴此藥用之如神
髮風散 出玉手子中箱集

羌活 防風 白芷

當歸 芍藥 細辛

芫花 吳茱萸 官桂 以上各等分

右為麤末作二劑赤皮葱連鬚細切半斤同醱醋
拌勻炒令極熟帛裹於瘡上熨之稍冷即換藥熨
之上下痛止而已

應痛丸

治走注疼痛疑是附骨疽者

蒼朮 去皮 當歸 草烏頭 炮

黑牽牛 已上各壹兩

右為細末用醋糊為丸如小豆大每服二十丸空
心醋湯送下

黃芪丸

治腎臟風虛攻注手足頭面麻痺痛痒或生疥癬
腫焮

黃芪 烏藥 茴香 炒

地龍 去土 川椒 去目 防風

川練子 炒 赤小豆 白蒺藜 去刺

海桐皮

歲靈仙

陳皮

已上各等分

右為細末酒糊為丸 梧桐子大每服三十九空

心温酒送下

梔子仁湯

出普濟生靈方

治時氣頭面赤腫

鬱金

枳殼 去穰

升麻

梔子仁

牛蒡子

大黃

已上各壹兩

右為細末每服三錢蜜水調下

葛根牛蒡子湯

治時毒大頭病是也

葛根

管仲

芍

甘草

鹽豉

牛蒡子

已上各壹兩

右為細末每服三錢用水調下此疾近代患者傳

染多致天枉治之者少得方法只云太熱必然殊

一不知亦有虛實表裏治之者詳其汗下吐不同大

抵與傷寒頗類其中亦有可針鑱砭射出血者亦

有文而敗爛出膿者其間變異百端不可不慎所

宜時疾也

通氣散

治時氣頭面赤腫或咽喉閉塞不通用之取嚏噴

七八遍洩出其毒則差若看病之人用此藥必不傳染

玄胡 壹兩伍錢

猪牙皂角

川芎 已上各壹兩

藜蘆 伍錢

躑躅花 貳錢伍分

右為細末每用紙撚子蘸一米許緝於鼻中取嚏為効

白丁香散

治婦人吹妳初覺身熱頭痛寒熱及胃乳腫硬是其候也服之能令下其乳汁通其血脉立能自消矣

白丁香 直者

右為細末每服二錢酒調服腫硬立消甚者不過三服

金銀花散

治發背惡瘡托裏止痛排膿

金銀花 肆兩無花用苗葉嫩葉代之

甘草 壹兩

右為麤末分為三服酒水各一盞同煎至一盞去相溫服無時

皂蛤散

治婦人因露風邪氣外客於乳內始為吹妳積矣

外科精義 卷下 十六
不消以為癩癰此藥導其汁散其風邪汗出其病
自然痊癒矣

皂角 不鮮者燒存性

真蛤粉 已上各等分

右為細末每服二錢溫酒調下不拘時候

十香膏

治五發惡瘡結核癩癰疔瘻疽痔

沉香

麝香 已上各一錢

木香

丁香

乳香

甘松

白芷

安息香

藿香

零陵香

各伍錢同為細末

當歸

川芎

黃芪

木通

芍藥

細辛

升麻

白斂

獨活

川椒

藁本

菖蒲

厚朴

木鱉子

官桂

商陸根

各貳兩對碎

桃仁

杏仁

栝子仁

松子仁

各五錢

槐枝

桑枝

柳枝

松枝

各貳兩對

沒藥

輕粉

雄黃

硃砂

雲母石

生犀角

亂髮灰

白礬灰

各二兩另研如粉

真酥

猪脂

羊腎脂 各貳兩

黃丹 壹斤

清芝麻油 三斤

右先於木炭火煉油香熟下一十六味剉碎藥并四枝四仁熬至紫黑色出火瀝去粗入脂酥煎十餘沸再以新綿濾過油澄清拭鐺令淨再入火上煎油沸下丹用濕柳枝作簞子不住攪熬一日滴在水中成珠不散則成也離火入十味藥末攪勻再上火入雲母等粉八味輕煎令沸出火不住攪食時於磁盒內密封收每用量瘡口大小緋帛上攤貼之腸胃癰疽可作丸梧桐子大每服七丸空心溫酒送下

犀角膏

當歸

川芎

黃芪

白芷

白欵

杏仁

木鱉子

官桂

乳香

次藥 已上各壹兩

亂髮灰 伍錢

黃丹

清油 伍斤

右前八味細剉於油內先浸一宿於木炭火上熬至白芷杏仁焦瀝去粗澄清再煎油沸下丹以濕柳木簞子不住攪旋滴藥在水中如珠不散出火

候一時辰下乳香沒藥并髮灰攪勻於磁盒內收
依常法攤用之

乳香膏

治一切惡瘡打撲走注疼痛

乳香研

珠子瀝青

白蠟已上各伍錢

白膠香貳兩

杏仁油壹斤

右將瀝青於木炭火上先溶開下白膠香黃蠟化
開入油攪勻以綿濾去粗於井花水中持拔白色
如銀再溶入乳香在內長白色收磁盒內依常法
攤用之

白龍膏

治頭面五發惡瘡及燒湯凍破潰爛止痛生肌清
血脉消毒敗腫通氣脉如神至可無癩痕

輕粉伍錢另研

白薇

白芷

白歛

黃芪

商陸根

柳白皮

桑白皮已上各壹兩

乳香貳兩另研

定粉另研

黃蠟已上各捌兩

杏子油一斤如無用芝麻油

右七味剉油內揉浸三日於木炭火上煎令白芷
黃色濾去粗於油中下黃蠟乳香後溶開出火再
濾候微冷下輕粉定粉急攪至冷磁盒內收貯每

用緋絹上攤用之

消毒膏

當歸

黃芪

別苧

杏仁

白芷

白歛

零陵香

槐白皮

柳枝

嫩者

木鱉子 用仁

甘松

已上各伍錢剉

乳香

沒藥 已上各三錢

輕粉 一錢

硃砂

朱紅 已上各伍分

麝香 一分

黃丹

炒紫色

黃蠟 已上各捌兩

芝麻油 壹斤

右將剉藥油浸七日小炭火上煎杏仁焦色瀝去

粗下黃蠟候溶開出火下丹急攪百十轉下乳香

麝香硃砂等六味不住手攪至凝磁盒內收貯白

光絹上攤之治證如白龍膏之類貼面目毛髮最

宜用之

磨風膏

治頭面五發瘡腫疥癬等疾及湯火破傷磨風止

痛滅癩痕

白附子

白芍藥

白茯苓

零陵香

白芨

白歛

白芷

白檀

藿香

升麻

細辛

黃芪

甘草

杏仁

腦子

括萋根

大括萋

黃蠟

芝麻油

右先藥十四味剉油內浸百日於臘日慢木炭火

上銀石器內煎至白芷微黃色離火入括萋二味

著內煮百沸重綿瀝去粗再慢火上煉油香下削

淨黃蠟溶開為度頃在磁器內收貯上糝腦子密

封旋用磨風塗之

天麻膏

治疥癬赤禿手足癬皮剝起癢疼疔瘡侵蝕痛膿
汁浸淫滋蔓經久不差者

草烏頭

釣苓根

木鱉子

天麻

藜蘆

川芎

狼毒

輕粉

粉霜

臘猪脂

黃蠟

油

右前七味細剉如麻豆大於油內煎至焦紫色令

冷瀝去粗上火入黃蠟猪脂溶開再用重綿瀝過

入輕粉粉霜攪凝磁盒內收貯用以塗摩之大効

善應膏

出南京寶梵院明昌六年開進方

當歸

白芨

官桂

白欵

白芷

杏仁

去皮尖

木鱉子仁

已上各壹兩剉碎

乳香

沒藥

已上各五錢

黃丹

貳斤

芝麻油

伍斤

右先將油煎剉藥令白芷焦黃瀝去粗再煎油沸下丹用濕柳篋子不住手攪滴在水中成珠子住火入乳香沒藥攪勻以磁盒內收貯依常法用之

靈應膏

出總錄

治五發惡瘡癩癧結核乳癰

白麥飯石

燒醋淬七次

白欵

已上各伍兩

鹿角

拾兩燒存性

右為細末每用醎醋中熬如膏厚塗於上中心留一竅以出其毒以故舊軟布攤之貼未成膿者貼即自消已成膿者便潰惡肉疾出新肉早生効不必具陳用之如神

翠玉膏

治軟癰膿水逗流愈後復發

明瀝青

肆兩

銅碌

二兩

芝麻油

三錢

獐猪膽

三箇

右先於炭火上溶開瀝青入油令沸下膽汁攪勻

外科雜論 卷下
入水中用手搏搦磁盒內收貯用於緋光絹上量
瘡大小攤貼之不須再換一上便痊可自落為度
追毒散 太醫成子王方

治一切惡瘡膿水不快者

五靈脂

川烏頭

炮

白乾薑

炮已上各一兩

全蠍

五錢

右為細末用少許糝瘡口中深者紙撚蘸藥絛於瘡口內以膏貼之或浸蒸餅令浸透搗去水和藥合勻撚作錠子每用絛入瘡口中亦名追毒錠子

迴瘡錠子

治疔瘡大効

草烏頭

一兩

蟾酥

七錢

巴豆

七八分

麝香

一字

右為細末麵糊和蒸作錠子如有惡瘡透丁不痛無血者用針深刺到痛處有血用此錠子絛之上用膏貼之丁瘡四畔絛之其丁三日自然拔出此藥最當緊用

射膿丸

治諸瘡癰膿水已成即當針開決出陳臭惡痰則其活也

若其惡痰不出欲鍼口須當開發用此藥以射出其膿也

白礬灰

一錢

砒霜

五分

黃丹

一字

右為末麵糊為丸撚作錠子每用粘瘡頭欲出處以膏貼之自潰

替鍼丸

出保生信効方

治證同前

陳壞米末

一錢

硃砂

伍分

雄雀糞

直者二十一紙

右爲細末粳米粥充如粳米樣每用一丸粘在瘡
頭上以膏貼之

治癩癧并馬老鼠瘡

銅碌

斑貓

砒霜

已上各伍分

右爲細末醋糊爲丸如鼠糞大每用時一錠子作
三丸納於瘡口上以膏貼之如無瘡口乾糝之妙
翠霞散

治百雜惡瘡去毒生肌

滑石 一兩

銅碌 伍錢

輕粉 二錢

片腦

麝香 已上各二分

粉霜 一字

右爲細末每蘸藥紙於瘡口上以膏貼之或滑石
二兩名二聖散量其瘡輕重用之

搜膿散

治年深不効惡瘡

白芷 一兩

芎藭 貳兩

白芍藥 叁兩

輕粉 三錢

右爲細末每用乾糝瘡口上瘡口深者紙之

引膿散

治證同前

狼毒

釣苓根

無心草根

白丁香 已上各五錢 麝香 一字

右為細末如前法用治之

乳香散

治證同前

白乾薑

苦丁香

草烏頭 已上各五錢

釣苓根

狼毒

乳香 已上各一兩

右為細末每用乾糝之或唾調作錠子緝入瘡內

釣苓散 陳宮寶方

治證同前

并鹽 一兩

無心草

乾薑 已上各二兩

釣苓根 三兩

右為細末每用乾糝之或唾調少許塗在膏上就

貼之

截瘡散

治年深瘡瘦瘡大効

蜜陀僧

白欬

白芨

黃丹 已上各一兩

黃連 伍錢

輕粉 一錢

腦子

麝香 已上各伍分

右前四味為細末後四味另研極細和勻為散每用或糝或緝瘡口中以膏貼之

抵聖散

治耳中膿經年不愈及驢涎馬汗攻焮瘡湯骨疽疔瘻等瘡

白礬灰

一兩

烏魚骨

三錢

乳香

貳錢

乾胭脂

輕粉

已上各一錢

麝香

五分

右為細末或糝或紙以膏貼之如有耳膿者用一字紙耳中

青金錠子

治諸惡瘡膿出不快者及多年疔瘻瘡愈而復發

白丁香

銅青

硃砂

粉霜

輕粉

已上各伍分

麝香

龍腦

已上各壹分

右為細末麵糊為丸搥作錠子每用紙入瘡口中膿水出快

白龍散

主生肌止痛及耳中卒然大痛

寒水石

四兩燒半白研

烏賊魚骨

研

滑石

已上各壹兩研

鵬砂

壹錢

輕粉

壹錢

右為細末每用乾糝耳中痛者油調如糊滴紙於耳中痛立止

桃紅散

主歛瘡生肌肉定血僻風邪

滑石 四兩

寒水石 燒黃兩

小豆粉 壹兩

乳香

輕粉 已上各壹錢

右為細末每用乾糝血不止者和燈草貼瘡口上以帛封之

檳榔散

治久患惡瘡肌肉遲生

木香

黃連

檳榔 已上各等分

右為細末每用乾糝之

金黃散

出金黃散方

主消腫散毒生肌止痛

黃連

大黃

黃芪

黃芩

黃蘗

鬱金 已上各壹兩

甘草 伍錢

龍腦 伍分另研

右為細末入龍腦研勻若治濕毒丹腫新水調掃赤上或蜜水調如稀糊用小紙花子貼之或小油調掃如久不差熱瘡毒赤乾糝或水調塗亦佳

生肌散

主歛瘡大効

寒水石

燒

滑石

已上各貳兩

龍骨

烏魚骨

已上各壹兩

蜜陀僧

枯白礬

乾胭脂

定粉

已上各伍錢

右為細末用藥乾糝瘡口上

水澄膏

治熱毒腫痛大効

大黃

黃蘗

鬱金

大南星

白芨

研硝

黃蜀葵花

已上各壹兩

右為細末每用新水一盞半藥末二錢攪調勻候

澄底者去浮水以紙花子攤於腫焮處貼之如

燥津唾潤之此藥治熱毒赤腫神効如皮膚白色

者勿用之

拔毒散

治熱毒丹腫遊走不定

寒水石

生用

石膏

生用已上各肆兩

黃蘗

甘草

已上各壹兩

右為細末每用新水調掃之或油調塗之或紙花子小貼亦妙涼水潤之

金露散

出普降生靈方

治時氣熱毒

寒水石 生用壹兩 伍錢

黃蘗 壹兩

白芨

白欵

雄黃 已上各貳錢伍分

右為細末無根水調以紙花子貼或掃亦妙

消毒散

治諸惡瘡生肌止痛消毒散腫

滑石 壹斤

黃蘗 貳兩

黃丹 壹兩

乳香 伍錢

輕粉 叁錢

右為細末每用乾糝或燒湯及下注腫瘡風濕疥

癬等瘡油調塗之

大檳榔散 成子五方

治乾濕疥癬

硫黃

黑狗脊 已上各伍錢

輕粉 壹錢

紅娘子

大檳榔 已上各壹箇

右為細末每用藥末半錢於手掌中臨時時油調

如糊兩手搓摩極熱鼻內聞之及摩擦疥上隔日

再用甚者不過三上必驗

天麻散

治白禿疥瘡及風毒疥癬

藜蘆

天麻

狼毒

白芷

蘭草

釣苓根

草烏頭

管仲

細辛

雄黃

輕粉

貳錢

壹錢

已上各伍錢

右為細末每用藥半兩紙一重綿裹油三兩浸三

日外蘸指擦患處如稍乾添油一兩添至三兩換

藥其効如神

決効散

治風痒頭瘡

管仲

叁兩

白芷

壹兩

右為細末油調塗之

水銀膏

治癩瘡疥癬無名惡瘡但是手足瘡疥浸潘多汁

久而虫生塗之神効

藺茹

剉

黃蠟

已上各壹兩

黃連

剉

蛇牀

微炒

白礬枯

水銀

已上各貳兩

右用臘猪脂七兩熬開下三件剉藥煮至焦紫色

去粗再入黃蠟溶開出火稍凝下水銀礬石攪至

勻每用塗摩

平肌散

治諸瘡久不斂者

密陀僧

花蓋石 二味同煨 赤色

白龍骨 已上各壹兩

黃丹

乳香

黃連 已上各貳錢伍分

輕粉 壹錢

右為細末入乳香輕粉黃丹同研令勻每用乾糝

神黃散

治一切熱腫攻焮疼痛

黃葉末 壹兩

黃丹 貳兩炒紫

雄黃 壹兩另研

右同研勻每用新水調如糊敷掃以小紙花貼稍乾以蜜水潤之

博金散

治下疳蝕臭爛腫痛

白礬

與密陀僧同為末相和於沙鍋內火上炮汁盡

密陀僧

已上各伍錢

白堊

貳錢

黃丹

輕粉

已上各壹錢

乳香

伍分

麝香

壹字

右為細末先須另用槐枝葱白鹽甘草熬湯淋湯洗一二時淹乾糝上項藥每用藥先須洗浴然後糝藥甚者三五次差

金傷散

治刀鑊斧傷僻風止痛生肌

白芨

叁兩

陳石灰

風化

桑白皮

黃丹

已上各貳兩

白附子

天南星

龍骨

已上各壹兩

右為細末每用乾貼之

完肌散

治證同前

蜜陀僧

桑白皮

新者

龍骨

已上各肆兩

陳石灰

貳兩

黃丹

伍錢

麝香

壹錢另研

右為細末乾糝之

定血散

治證同前

黃丹

壹兩

烏魚骨

白礬灰

龍骨

已上各貳兩

蜜陀僧

半斤

桑白皮

壹斤

右為細末每用乾糝定血如神

碧霞錠子

太醫陳官寶方

治惡瘡透不覺疼痛

銅碌

壹兩

硃砂

貳錢

蟾酥

壹錢

右為細末輭米飯一處擦勻搽作錠子粳米樣每

用針刺之不覺痛者但有血出紐一錠子在內以

膏貼之或作散以紙然蘸紐之亦可臨證看如何

宜合用度

漏蘆湯

治婦人吹妳初覺

漏蘆

練實

大黃

黃芩

芍藥

甘草

已上各伍錢

右為麤末每用三錢水一盞半燈草三十莖同煎至一盞去粗溫服無時

玉粉散

出蘇沈燥方

治陰瘡浸淫不止

白礬灰

定粉

已上各等分

右研細末先洗浴淨淹乾敷之

香礬散

治小兒斷臍之後不乾及膿出耳中

枯礬

伍錢

龍骨

黃丹

已上各壹錢

麝香

少許研

右為細末每用乾糝之

紫金散

治瘰癧久不差者

枯礬

伍錢

砒霜

壹錢

石膽

伍分

右為細末入黃丹二錢每角紙入瘡口內以膏貼之如未破者灸一兩炷用膏塗旋調一豆許安瘡

上以膏貼之去根自平復

通耳丹 盧全寶傳

治耳聾

桑螵蛸

安息香

阿魏 已上各壹錢 伍分

硃砂 伍分

草麻子仁

大蒜

芭豆仁 已上各壹箇

右為細末入二仁與蒜同研爛為丸如棗核樣每

用一丸綿裹內耳中如覺微痛即取出親驗方

耳痛錠子 一名昔目滿散

治耳中卒痛

耳痛

附子

炮去毒 解已上各貳兩

右為細末每用油調滴耳內立効

耳金錠子 太醫陳子寶方

治療痔疾

藤黃

雄黃

雌黃

硫黃

輕粉

粉霜

麝香

砒霜

黃丹 已上各壹錢

牡礪粉

紅藤根

乾漆 已上各伍錢

右為細末研勻燒陳米飯為丸如棗核大每用一丸內肛門中深二寸許放令定用新磚毬子

二箇炭火燒赤醞醋中懸起綿裹一箇於肛門上
熨之冷卽換上下次之來口大便下臭敗惡物除
根也

熏痔散

葳靈仙 參兩

右用水一斗半煎至七八沸去火就盆上坐令氣
薰之候通手淋渴冷卽再暖

通靈丸

治耳聾

松脂 伍錢

巴豆 取於建箇去皮研

右先將松脂溶開入巴豆末熬成膏丸如白豆大
綿裹一丸塞耳中覺痛取出赤水爲効

三神丸

治僧道痔疾因讀養生必効方見乾義傳僧覺海
少年患痔疾其行業比冰霜緣此飽食久坐知痔
疾者不必酒色過度矣故以素問云因而飽食筋脉
橫解腸澀爲痔治之故不同也

枳殼 妙去穢

皂角 味苦性

五倍子 已上各等

右爲細末煉蜜爲丸如梧桐子大每服三二十丸
溫水食前服養生必効方中三味皆單方一味爲

方今增為一方其効如神
至芝飲子

治膈熱口舌生瘡咽喉腫痛

甘草

炙或兩

藿香葉

石膏

水飛

山梔子仁

已上各壹兩

右為細末每用一錢新水調下

平和飲子

出顯類經中

治小兒瘡疹

人參

白朮

茯苓

甘草

升麻

已上各等分

右為細末每服一二錢水煎去滓溫細細飲之量
歲大小虛實以意詳之此藥治諸瘡疹煩渴不寧
者皆可服之惟小兒瘡疹尤佳

玄參丸

出僧居泰傳

治口瘡連年不愈者

天門冬

去心

麥門冬

去心

玄參

已上各等分

右為細末煉蜜為丸如彈子大每服一丸嚥化

犀角散

治口舌生瘡咽喉腫痛熱毒時氣

升麻

桔梗

甘草

炙已上各壹兩

牛蒡子

炒肆兩

右為細末每服三錢水一盞入竹葉五七片煎至七分去粗細細熱嗽溫即嚥之其粗熱掃項腫上防風散

治破傷瘡瘍風邪或身體疼痛風邪攻注攣急及皮膚瘙癢麻木不仁頭昏悶牙關緊欲成破傷風

防風

壹兩

藁本

羌活

地骨皮

荆芥穗

已上各伍錢

右為細末每服三錢溫酒調下

烏金散

治疔瘰惡瘡

麝香

蟾酥

已上各壹錢

粉霜

硃砂

輕粉

已上各壹錢

銅綠

砒霜

白乾薑

草烏頭

天南星

舶上硫黃

已上各伍錢

右為細末紙撚經之或湯浸蒸餅和為錠子經瘡口內上以膏貼之

劉守真瘡論

素問云痛痒瘡瘍癰腫疽疹疔氣結核拂鬱甚者皆熱五臟不和九竅不通六腑不和留結為癰近於火

氣微熱則痒。熱甚則痛。附近則灼而為瘡。皆火之用也。人之瘡腫。因內熱外虛所生也。為風濕之所乘。則生瘡腫。然肺主氣候於皮毛。脾主肌肉。氣虛則膚腠開。為風濕所乘。脾氣濕而內熱。即生瘡也。腫者由寒熱毒氣客於經絡。使血澀而不通。壅結成腫。風邪不作。即無頭。無根。寒血相搏。作者即有頭。有根。壅盛則為膿。赤根腫則風氣流潰也。瘡以痛痒痛則為實。痒則為虛。非虛為寒也。正謂熱之微甚也。痒則美疾也。故火旺於夏。而萬物蕃鮮。榮美也。爰之以火漬之。以湯而甘。不痒轉甚者。微熱之所使也。痒去者。謂熱令皮膚縱緩。腠理開。通陽氣得泄。熱散而去。或夏熱皮膚痒。而以冷水沃之。其痒不去。謂寒能收斂。腠理閉。密陽氣鬱結。不能散越。怫熱內作。故也。瘡瘍皆為火熱。而反腐出膿水者。猶穀肉果菜。熱極則腐爛。而潰為污水也。潰而腐爛者。水之化也。癰淺而大。疽深而惡。熱勝血則為癰。膿也。瘍有頭小瘡也。疹浮而小。癩疹也。瘡氣赤。瘡丹。燥熱勝氣。火之色也。

沒藥膏

治一切癰疽發背瘡癤傷折跌壞膿生肌止痛

又貼灸瘡極妙

麒麟竭

明乳香

沒藥

已上各壹分

當歸

去蘆

木鱉子仁

研

杏仁

已上各伍錢

油頭髮

貳兩

黃丹

陸兩

右先用油一斤石器內或沙鍋內露天底鍊油令

熟先下木鱉子當歸杏仁頭髮慢火熬黃焦油耗

五分離火用綿濾粗不用再入鍋下黃丹以新柳

篋子十條旋換攪不住手候黑色滴在水中成珠

子硬軟得所取下火入三味研藥再攪勻磁盒內

盛放地上以盆合一宿出火毒用時或帛上或紙

上攤一日一換

必効散

治久患瘰癧不効服此藥取効如神

南鵬砂

貳錢伍分

輕粉

壹錢

麝香

伍分

班猫

肆拾箇去頭

巴豆

伍箇去皮心

白橫榔

壹箇

右同研極細取雞子清二箇去黃調藥勻却傾在

雞子殼內濕紙數重糊定無令透氣坐飯甑內與

飯一處蒸飯熟取藥曝乾研極細末用時相度虛

實虛人每服半錢實人每服一錢並用炒生薑酒

下五更初服藥至平明取下惡物如覺小腹內疼

痛便用綠麻子燒灰入沒藥等分同研細用茶調
下一錢便入大腸其取下惡物如爛肉老鼠兒及
新成卵內雀兒是藥之効婦人有胎不可服

烏金散

治癰癤腫硬無頭不變色者

米粉

堪兩

葱白

壹兩細切

右同炒黑色杵為細末每用看多少醋調攤紙上
貼病處一伏時換一次以消為度

抵聖丸

治男子婦人頭面手足虛腫

苦葶藶

不以多少於火上隔紙炒過

右杵為細末棗肉為丸如小豆大每服十丸煎麻
子湯下食前日進二服五七日小便多腫消為効
如喘嗽煎桑白皮湯下忌生冷醋滑物及鹽須另
丸一等小兒與小兒服看大小加減與服煎棗
肉湯下

應効散

治氣癭疔瘡多年不効者

地骨皮

不以多少冬月自取只要皮陰乾

右杵為細末每用紙撚蘸維瘡口內頻用自然生

肉更用米飲調二錢無時日進三服又名托裏散
白金散

治風攻注毒遍身及手足生熱瘡疼痛有黃水出
桂府滑石

右爲細末先用虎杖甘草豌豆各等分約半兩許
二椀水煎上項三味至一椀去粗微熱淋洗瘡水
冷拭乾上糝滑石末令通便睡至明決愈
如聖散

治渾身瘙癢疥抓之成瘡及癩疹之類

蠶沙 壹升

右用水二斗煎至一斗灑去粗夜卧避風處淋洗
水冷卽拭乾便睡

大蛾散

治刀斧傷止血定痛生肌

晚蠶蛾

不以多少

右爲細末每用藥貼於瘡口上用綿裹不須再動
一上便可

必効散

治蜘蛛咬著疼痛

鹽豉

炒乾

右為細末每用油調塗之必効

蛤粉散

治湯火燒燙瘡

蛤礪 燒赤放冷

右研如粉每用油調塗之日三次

治小兒丹癩

木鱉子 折去殼

右研如泥淡醋調傅之一日三五次便効

治小兒疳口瘡

天南星 壹箇去皮

右為末好醋調攤在紙上男左女右貼在脚心底
以帛繫定三日外取了以溫水洗盡脚下藥

治破傷風 并洗頭風藥

麻黃 壹錢去節 蝎稍 貳錢五分 蜜薑

草烏頭 黑附子 炮去皮 白附子

天麻 烏梢蛇 好酒浸二夜去骨火上炙黃色

川芎 已上各伍錢

右為細末每服一錢熱酒調下日進三五服重者
三五日必効此證只宜早治但邪氣入臟則難治
治有四死證不可治一頭面青黑色二額上有汗

珠不流三眼小目瞪四身上有汗出如油

烏龍丸

治遍身風瘡瘙痒疥癬等疾服之消風散熱利膈化痰唾治肺氣不和此藥推陳致新去腸垢治證甚多要能用度

皂角

肥者不以多少炙刮去皮弦抽碎甜水揉取濃汁去粗銀石器內熬成膏另放之

黑牽牛

不以多少微炒令香熟碾取頭末

右將藥末與皂角膏和丸如梧桐子大每服三五丸氣虛者一二丸食後溫水送下無病氣實人一二兩箇月頓一服取利三五行不傷正氣身體

輕健肌膚光澤永無風痰疥癬之疾

紫參丸

治熱毒瘰癧腫毒未成者肉消已潰者行膿止痛散腫毒

麝香

另研

膩粉

已上各叁錢

紫參

苦參

炒已上各壹兩

丹參

壹兩伍錢

連翹

貳兩

滑石

貳兩伍錢

右為末別用玄參一斤搗碎以酒三椀浸三日揉取汁去口用皂角子三百箇煨熟為末用玄參酒熬皂角子末成膏和前藥丸如梧桐子大每服一

丸以黃芪湯下一日加一丸至患人歲數卽住如四十則二十每日減一丸其瘡自乾已結者內消也服此藥大有神効

萬靈丸

治腦背疽并一切惡瘡初覺一二日

硃砂

血竭

蓮葉

已上各等分

麝香

少許

右為細末酒糊為丸如黃米大每服七丸溫酒送下瘡在上食後在下食前不過二服卽効

治眼

治昏澀退翳膜

椒

肆兩去子合者不用

甘菊花

貳兩伍錢

熟乾地黄

貳兩酒浸九蒸九曝

右為細末煉蜜為丸如梧桐子大每服二十九食後細嚼新折米十餘粒送下

治吹妳方

臣仲寬方

治吹妳及一切惡瘡初覺一二日立効

生薑

壹兩去皮

大黃

甘草

已上各伍錢

芫荽

壹箇去皮

右共搗作一塊以水半碗同煎至七分濾去粗入

沒藥乳香末共二錢半通作一服

治痔瘡

雄黃 伍分細研

五靈脂 去石燒過

五倍子 燒過已上各壹錢

沒藥 貳錢伍分
明淨者

白礬 半飛半生

右為細末研令極細用紙花子貼瘡口上

洗痔

防風

當歸

川芎

已上各等分

右三味剉細煎水去粗令熱溫淋洗瘡用軟帛印

乾傅前藥

寸金丹

二名返魂丹三名再生丸四名追命丹五名延壽

丸六名來甦丸七名知命丸八名得道丸非人勿

示此方若有人患瘡身未爛者與三丸服之嚥下

便活如口噤但斡開牙關研下三丸灌下喉中立

生此方治發背腦疽癰腫遍身附骨腫痛先覺時

飲水口中煩渴發熱四肢沉重身體壯熱

麝香 壹分

南乳香

烏金石

輕粉

雄黃

狗寶

沒藥 已上各壹錢

蟾酥 貳錢

粉霜

黃蠟 已上各叁錢

硃砂 伍錢

鯉魚膽 乾用

狗膽

已上各壹箇 乾用

金頭蜈蚣

紫條全者酥多黃色

頭首兒孩兒乳

壹合

右件為末除黃蠟乳汁二味熬成膏子同和丸如
菉豆大小兒丸如芥子大每服一丸病重者加三
丸白丁香七箇研爛新汲水調送下用衣服蓋之
睡勿令透風汗出為度大段疼痛如無頭瘡腫不
過三服立効服藥後食白粥菹羹就服大妙

牙疳藥

此藥是京兆惠民局見行經驗方

治大人小兒

揀信

青黛

輕粉

已上各壹

香

右同為細末用小油調薄攤紙上用木錐錐實收
起每用臨卧以漿水洗淨印乾可瘡口大小以藥
紙封之至曉去藥紙嗽淨勿令嚙下大者不過三
上必効

迴瘡蟾酥錠子

陝西醫局提舉馬雲卿親傳經驗方

治丁瘡毒氣攻心欲死以針刺其瘡向心行處但
覺痛有血處下錠子若累刺至心側近皆不痛無
血者急針百會穴痛有血者下錠子若無血以親
人熱血代之猶活三四況瘡初發無有不効大抵

丁瘡生於四肢及胸背頭項骨節間唯胸背頭項最急初生痛痒不常中階如丁蓋搗之有根壯熱惡心是也

天南星

欵冬花

巴豆仁

黃丹

白信

獨活

班猶

去頭足拾箇

已上各壹錢

伍分

右為極細末用新蟾酥和藥如黍米大撚作錠子每遇丁瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛即止其元瘡亦覺疼痛

以膏藥傳之膿出自差

用錠子法度以銀作細筒子一箇約長三寸許隨針下至瘡痛處復以細銀絲子內藥於筒內推至痛處

乳香托裏散

同前所傳

治一切瘡腫疼痛不可忍如少壯氣實者先疎利後服之大効

御米殼

去隔蒂等字蜜炒參兩

當歸

芍藥

川芎

乳香

沒藥

已上各壹錢

右為粗末每服五錢水一盞半煎至七分去粗溫服病在上者食後在下者食前若未止即再服
四聖旋丁散 名醫秘傳經驗方

治丁瘡生於四肢其勢微者先以好醋調藥塗上以紙封之次服內托裏之藥其丁自旋出根

巴豆仁 五分

白殭蠶

輕粉

硃砂

已上各貳錢五分

右為細末醋調用之

天丁散

同前秘傳經驗方

治一切丁瘡及諸惡瘡初生以藥塗之急服托裏

內消

山丹花葉

香白芷

已上各錢

守勞子根

春採去皮

天丁

乃是角刺

蒼耳芽

大力子

已上各錢

雄黃

壹兩

右五月五日之氣修今為細末每用好醋塗紙封之丁瘡上有黑甲者必須胡桃油浸次塗之自可

萬應膏

同前所傳

治一切瘡瘍初生腫焮甚者無問大小以膏可腫痕貼之前煎葱白水熱淋兩焮時良久再淋腫消為度如瘡老不能差者亦收斂聚膿決然早差

外科精義 卷下

芍藥

白芷

黃蘗

木鱉仁

杏仁

黃芪

白芨

生地黃

當歸

玄參 去皮

沒藥

官桂 已上各伍錢

白欵

黃蠟 已上各壹兩

乳香 研

大黃 已上各貳兩

黃丹 壹斤

黃芩 壹斤捌兩

右件十四味入油內浸一宿絕早入沙鍋慢火熬

用生柳條攪至申時以焦褐色出火去粗粗又以

重綿濾過入丹再熬旋滴水中成珠子不散者出

火毒絕煙入乳香沒藥黃蠟攪勻用磁器收貯於

土內埋七日取出攤用

治小兒面湮瘡

俗云鍊銀瘡者是母受胎之日食酸辣及邪味過

度多生此瘡

白藥煎 伍錢 生白礬 二錢

右為細末小油調旋搽之神効

治赤白口瘡

大人飢渴不時小兒失驚即生口瘡

生白礬 錢

右噙嗽之從瀝頑涎立効

治乾濕疥癬

此是肺受邪毒運於四肢久而不散以生肉蠹

硫黃 一兩

生白礬 八錢

右為細末油調火炙抓破塗之立効

治湯火燒燙

無問新舊

青槐枝

一兩剉碎

菜豆粉

一兩炒黃

輕粉 一錢

右同為細末油調塗之 一痛滅毒

治破傷風

手足顛掉不已者

硃砂

另研

南星

去毒

獨活

去皮上土各等分

人手足指甲

燒絕烟陸錢

右為細末分作三服酒調服之立効

治破傷

無問新舊

石灰

右用一味驗瘡口大小儘乾塗之不須封裹神効

治風狗咬破傷風

此病非為小可及九死一生之病可急用之

好班貓

未箇去翅足

右為細末酒調服之於小便盆內見衣沫似狗形者為効如無再服七次雖無狗形亦不再發也此方累試經驗今附於此

論炮製諸藥及單方主瘰癧瘡腫法

夫藥者治病之物蓋流變在乎病主治在乎藥製用在乎人三者不可闕一也凡用一味炮炙修製及單方主療該引方書出處不必隨方標寫

硃砂

須研細水飛瀝乾若入膏中者待熬膏成稍凝冷卽下急攪勿令沉聚大凡石類一一如此

雲母

卽須用鍊成熟粉曾經婦人手拈者不効聖惠方治湯火瘡羊髓和膏塗之神良千金方如治金瘡

及諸惡瘡依上塗傅大効

礬石 即白礬

凡用須木炭火上枯汁盡主陰蝕惡瘡去鼻中瘰
肉生含嚙津治急喉閉肘後方治耳中卒腫痛或
有膿水者以筒吹一字於耳中以綿塞之立効又
治諸毒虫惡獸咬傷傅之則差千金方以醋煮湯
潰蝟螫立差王氏博濟治驢馬汁毒傷人瘡腫痛
和黃丹傅之靈苑方治傷折瘡腫以沸湯投枯礬
漬浴之御藥院方治陰汗以枯礬投沸湯中浴之

水銀

主疥癬痂傷白禿入膏令膏凝下之攪令勻散
如星勿令沉聚

水銀粉 即輕粉

主癩癧殺疥癬蟲酒豔風以羊髓和如膏塗及貼
賺瘡一上可

石灰

主疥癬骨疽金瘡風化者良外臺秘要方治風疹
以漿水調熱掃之隨手差孫真人治疥淋石灰水
溫洗之千年者尤佳

白麥飯石 即麤理黃石

魯磨刀者佳凡用須用醎醋淬之令屑落醋中者
良亦單用治發背神良本草曰大凡石類多主癰
疽

花藥石

主金瘡止血合硫黃木炭火炒良或只刮花藥石
末効

黃芪

主癰疽久敗瘡排膿止痛兼五痔鼠瘻止渴聖惠
千金外臺秘要方治發背腦疽托裏止渴用黃芪
六兩甘草一兩剉細水煎溫服無時大効

泉耳

即蒼耳

千金翼方丁腫用根莖葉炒灰存性為末醋泔淀
和如泥塗之一日三易之三日腫消根丁自拔出
亦治諸腫掃之尋差

麻黃

凡用根節煮三沸掠去沫曬乾剉

黃芩

凡用去腐蘆揀細實者佳梅師方治諸丹作末水
調掃之亦治湯火瘡

烏頭附子

凡用須炮裂去皮臍

半夏

凡用湯洗七次去滑

羊蹄根

主乾癬疥頭禿取根鬻塗之効簡要濟衆方治癬
瘡久不差取新者絞汁和膩粉爲膏塗之千金聖
惠外臺等方皆治癬和醋或白礬或硫黃塗之愈

狼毒

主癰疽惡瘡鼠瘦聖惠方治癬瘡積年搔之黃汁
出痒痛以末傅之或猪膏和塗差

七葉根

主瘡腫搗根汁塗之良百一方治發背根汁塗之

土青木香

卽馬兜苳根

治頭風搔痒禿瘡

連翹

主寒熱鼠瘦癰疽惡瘡癭瘤同甘草服食

蒲公英

主乳癰煮汁飲之自消梅師方傳之亦消

滑石

本草不言療瘡腫本體較治諸瘡久不愈消熱毒

腫及金瘡血不止湯火炒瘡用之尤良

白石英

主肺癰吐膿咳嗽及膈上風熱痰肺癰消渴陰癰

補五臟

赤石脂

治瘡疽痔瘻瀉痢加芎末等分粥飲調服一錢重

神効寒者加乾薑服

白石脂

治癰疽排膿生肌新生兒臍濕

雄黃

主寒熱鼠瘦惡瘡疽痔死肌疥癬

硫黃

主女人陰蝕疽痔惡瘡疥癬殺虫

雌黃

主惡痂疥頭禿下部惡瘡殺虫

磁石

消癰腫疔瘻頸核喉痛

蜜陀僧

主金瘡止血口瘡疔瘻面上癩點

伏龍肝

參主惡瘡水調掃丹腫酒調封發背令內消

礞石

主寒熱鼠癩惡瘡蝕肌死

薑石

搗末雞子清調敷丁腫丹瘤乳癰

麤理黃石

堪作確碾者即磨刀粗石

齊馬嗣明治楊遵彥發背取此石猛火煨赤投醪

醋中因有屑落取為末醋熬如糊厚塗立愈大凡

石頭多主癰疽

爐甘石

主愈瘡止血治目赤瘡

燈心

主破傷血出每用貼破上封之立差

槐根皮

主痔及白皮煎湯薰浴良入荊芥尤妙

地骨皮

主疽瘡經年以粗皮煎湯洗之細沫白穰別碾

之即差

黃蘗

主瘡腫神良每用去粗皮塗蜜炙剉諸方用作湯

漬陰瘡良搗末蜜水調敷腫

枳殼

凡用須麩炒去穢剉枳實亦同

厚朴

凡用須去粗皮生薑塗製炙微焦剉

皂角

凡用須不蛀者去黑皮弦子酥炙黃色剉

木鱉子

凡用去殼主惡瘡毒腫孫用和方治痔用仁三五枚研如泥以沸湯浸用汗先薰但通手卽浴洗日

三度

楸樹白皮

單用熬膏貼癰疽惡瘡疔癩痔疾用其白馬牙燒灰治發背初生用糝瘡頭上以膏封之

兔頭

連皮骨臘月細剉瓶中封之百日塗發腦疽發背

惡瘡

出百方

兔腹下白毛

治湯火瘡已破者先用膠水掃之後用兔白毛貼之毛落平復勝金方治痔用玩月砂卽兔糞也和

乳香末酒調三錢溫服日三服即差

蜜

凡鍊須煎今沸掠去沫外臺治陰頭生瘡以蜜煎甘草末塗之神効肘後方單用塗湯火瘡

牡礪

凡用木炭灰炒通赤濕地上放經宿方用經驗方治癩癰用牡礪四兩玄參三兩爲末糊丸如梧桐子大酒服三五丸食後服藥盡患亦除根集驗方治一切癰腫水調牡礪粉掃之乾卽再掃卽消名按毒散初虞世治癩癰用和甘草末茶調三錢

服之神効大驗

蛇退皮

諸方用治丁雜惡瘡十年不較者全用炒存性猪膏和塗之其驗神効

蜘蛛

聖惠治癩癰不問新舊或成癭者懸乾爲末酥和如糊貼之日三度大効千金治發背瘡亦治鼠癭神良譚氏治贅癭瘡目以網絲作線際根繫之一宿自落

蟻螻

聖惠治一切惡瘡端午日收乾為末者油調傳之
 神効子母秘錄治忽得惡瘡未辨識者取新者絞
 汁傳其上大効古今諸方治丁瘡欲死者取蟻蟻
 心腹下度取之稍白者是以針刺丁瘡當心及四
 畔以心塗貼之百苦立已經宿其丁自拔出大忌
 食羊肉多不効

陳橘皮

凡用溫水浸去白青橘皮亦然

枇杷葉

主嘔逆下氣凡用去毛刺甘草湯洗三葉重三四

杏仁

凡用須湯浸去皮尖雙仁炒剉或研

無心草

凡用去蘆苗煎洗甲癩疽神効

防風

凡用去叉蘆

藜蘆

凡用去苗

犀角

凡用生不曾用火者即鑄錯為末

茯苓

凡用去粗皮白者佳

芍藥

亦用白者佳

牽生子

凡用熟成熟者微妙假如一斤取頭末四兩

